


عبد المجید حسرت



عبد المجید حسرت

پہل پہلیکھ

(شعری مجموعہ)

عبدالحمید حسرت

© جملہ حقوق بحق مصنف محفوظ ہیں

کتاب داناں : پہل پہلیکھ

نوعیت : شعری مجموعہ (پہاڑی)

لکھاری : عبدالمجید حسرت

تعداد صفحات : ۱۸۴

سن اشاعت : ۲۰۲۱ء

کمپیوٹر کمپوزنگ : عبدالمجید حسرت

ترتیب و تزئین : عبدالمنان گوری (توحید کیوٹرس) سری نگر

gorsi7373@gmail.com / 7006623882

تصحیح : عبداللطیف بھران

تعداد : ۵۰۰

مُل : عام ایڈیشن ۳۰۰ روپے / لائبریری ایڈیشن ۵۰۰ روپے

چھاپہ خانہ:

لکھاری دیاں دیگر تصانیف:

✽..... رہت نمائی (شعری مجموعہ گوجری)

✽..... پرچول (پہاڑی تحقیق و تنقید)

✽..... قندیل راہ (اردو)

✽..... سوچ سوچی (گوجری تحقیق و تنقید)

✽..... چٹھوٹارے (پہاڑی شاعری بچیاں واسطے)

لکھاری دا پتہ:

موضع سرفراؤ تحصیل گندھال گاندربل جموں و کشمیر

نانوناں

نِکی پُہین

نور النساء دے ناں۔۔۔۔

جہڑی جوانی دی پوہڑی تے قدم رکھدیاں ہی

خالقِ حقیقی کول کچھ پہنچي۔۔۔۔۔

ہور اساں واسطے دردِ نشانی چھوڑ گئی۔۔۔۔۔

فہرست

5	ڈاکٹر مرزا فاروق انوار	کچھ گلاں	✽
8	محمد ایوب میر (نعم کرناہی)	پہل پہل کیلئے بارے دو گلاں	✽
14	عبدالحمید حسرت	اپنیاں گلاں	✽
			✽ ✽
17		حمد باری تعالیٰ	✽
23		نعت نبوی صلی اللہ علیہ وسلم	✽
36		نذرانہ عقیدت	✽
43		غزلاں	✽
111		نظمیں	✽
161		سی حرفیاں	✽
170		باراں ماہ	✽
175		گیتاں	✽
183		قطعات	✽



کچھ گلاں

کشمیر دی خوبصورت وادی دے چڑھدے پاسے۔ سونہ مرگ دیاں
خوبصورت نکلیاں، ماہلاں تہ اسمان کو چھوندے تنگاں، بیاڑاں تہ دیاراں نال
لدے پھدے نکلیاں ماہلاں دے کلاسے بے سرفراؤ گراں سر سبز تہ شاد ماں بستی
دے اندر اک گمنام مگر پُر گو شاعر مولوی عبدالحق ہوراں دے کئبر اک بچے جنم
کہندا۔

مولوی عبدالحق ہوراں دے زیر سایہ اُس اکھ کھولی تہ اُنہاں دی عنایت تہ
لبریز شعراں دی گنگناہٹ بچ زندگی دی سیڑھی چڑھدیاں چڑھدیاں اوہ بچہ جوانی
دی حداں بچ داخل ہو یا ہور دکھدیاں دکھدیاں اُس دے اپنے ہوٹھاں تھیں شعر گوئی
دا امرت چون لگا۔ اج تھیں قریب دو دہا کے پہلاں اس نو جوان دا رابطہ پہاڑی
سیکشن نال ہو یا ہور ایہہ رابطہ ہک مضبوط رشتے بچ بدل گیا۔

ایہہ نو جوان عبدالمجید حسرت دے ناں نال شعر و ادب دی دنیاں بچ
متعارف ہو یا۔ سیکشن نال رابطہ جُونے نال ہی اُس دا ادبی تہ شعری سفر اپنی اگلی

منزل داہر تیزی نال نہ صرف جاری رہیا سگول اس دے اندر بہتری ہو پختگی دادن
دگنارات چکنا بابد اہوند آگیا۔

جتنے حسرت شاعران تہ ادبیاں دے حلقیاں پنج جاناں پہچانیاں جلن لگا،
اُتھی اوہ اپنے منصب نال اسی قدر جُویا ہویا ہے ہو درس و تدریس دے حوالے
نال بھی ہک لائق فائق استاد ثابت ہویا۔

حسرت لکھے پڑھے دے نال نال ہک اچھے براڈ کاسٹری صورت پنج
سامنے آیا۔ گویا اس نو جوان سن اپنی ہمہ جہت پہلو شخصیت کو منوائے پنج کامیابی
حاصل کیتی۔

اس ویلے اوہ جوانی دی شکھر دو پہر دے پلاں تھیں گزر رہیا ہے۔ تہ اتھے کو
ایہہ شعر رہ کے یاد رہیا ہے کی

ع بلندیوں پہ پہچنا کوئے کمال نہیں

بلندیوں پہ ٹھہرنا کمال ہوتا ہے۔

اساں کو اُمید ہے کہ اوہ نہ صرف انہاں بلندیاں تے قائم رہسی بلکہ بفضلِ
ربّی عروج دے کئی ہو زینے طے کر دا اگے بدھسی گا۔

زیر نظر مجموعہ ”پہل پہلیکھے“ ادب کو اس دی پہلی سوغات نیہہ بلکہ پرچول
دے ناں نال پہاڑی شعر و ادب دے حوالے نال کجھ ناقدانہ تبصریاں تے مشتمل
کتاب ادبی حلقیاں پنج قبولیت حاصل کر چکی ہے۔ اس تھیں علاوہ بچیاں واسطے
پہاڑی نظماں دا مجموعہ چٹھو ٹہنارے شائع ہو چکیا ہے۔


گوجری شاعری تہ نثر دے دو مجموعے تہ اُردو اُستاداں واسطے ہک کتاب

پہلاں ہی منظر عام اُتے آ گئے ہیں۔ اُمید ہے کہ نواں شعری مجموعہ اس دی مزید
شہرت و تکریم دی وجہ بنی۔ اسیں دُعا کر دے ہاں کہ حسرت اسی طراں بے شمار
میل پتھر نصب کر داگے بدھدا جُلے ہو تر تقی دیاں منزلاں طے کرے۔

ڈاکٹر مرزا فاروق انوار

چیف ایڈیٹر پہاڑی

جموں ۲۸ اگست ۲۰۲۱ء



پہل پہلیکھے بارے دوگلاں

زندگی دا بغور مطالعہ کیتا جلے تے سمجھ ایندی ہے کہ زندگی بذات خود پہل پہلیکھیاں دی ہک اہچی زنجیر ہے جس دی کڑیاں کو جئیاں انسان کھولنے دی کوشش کردا ہے تے انسان پہل پہلیکھیاں ہو ر فریاں دی تانی مزید الجھدی ہے تہ کہور بچ باہدا ہوندا جلد ا ہے۔

زندگی دیاں پرتاں بالکل پیاز دے گنڈے دی مانند ہین جہاں کو چھل دیاں چھل دیاں گھنڈا مک جلد ا ہے لیکن منزل لا حاصل رہندی ہے۔ زندگی دے مختلف اودار یا پڑاؤ ہک تھیں ہک خوبصورت پہلیکھے کئہن کے انسان دے سامنے آ کھل دے ہین۔ لیکن منزل کجھ ہی خوش بخت لوکاں دے نصیب ہوندی ہے جنہڑے زندگی دے سراغ کو پچ گیندے ہین، لیکن کئی قسم دے کھٹے مٹھے پہلیکھے زندگی کو طویل تر کر چھوڑ دے ہین۔ بالآخر اس دا ساحل موت دی ہک ہلکی جیہی جنبش نال ممکن ہو جلد ا ہے تہ انسان دے ساریاں پہل پہلیکھیاں دا خاتمہ ہو جلد ا ہے۔

بہر حال ماہڑا موضوع پہل پہلیکھے ہی ہے۔ لیکن زندگی دے فلسفے ہو ر پہل

پہلیکھ بارے بحث کرنی ماہرے جے ناچیز دے بس دی گل نیہ۔ دراصل پہل
پہلیکھ ہک معتبر ادیب تہ شاعر دے شعری مجموعہ پہاڑی دا خوبصورت عنوان ہے۔
ایہہ نامور شاعر اس دے دوست جناب عبدالمجید حسرت جہڑے شمالی کشمیر دے ضلع
گاندربل دے مضافات دے رہنے والے ہین۔ قابل ذکر ہے جے حسرت ہوریں
اُس تہرتی دے فرزند ہین جس تے ولی اللہ حضرت باباجی صاحب لاروئی ہوراں دے
قدم پئے ہین ہور تا وقت تحریر اس علاقے پنج کئی نامور ادیب تہ شاعر ادب دے باغچے
پنج نویں نویں رنگ دے پھل تڑپ رہے ہین۔ حسرت صاحب بھی انہاں ہی ادیبان
ہور شاعران بچوں ہک نہایت ہی موزوں کلام ہور سنخوری دے علمبردار ہین۔ پیشے
دے لحاظ نال اُستاد ہین ہور اُستادانہ صلاحیت کو بروئے کار آندیاں ہویاں انہاں ہک
درجن دے قریب کتاباں اُردو، پہاڑی تہ گوجری ادب دی چھول پنج بائیاں ہین۔
انہاں دی شاعری کو چواں پاسیاں تھیں داد ملی ہے۔ ہور پزیرائی حاصل ہوندی آئی ہے۔
اج انہاں دا ہک خوبصورت پہاڑی شعری مجموعہ زیر نظر ہے۔ اُمید کیتی جُل سکدی ہے
کہ دویاں کتاباں دی طراں زیر بحث مجموعے کو بھی پسند کیتا جلسی، خوب داد ملیسی تہ
پہاڑی دے ادبی باغچے پنج ہک گراں قدر اضافہ تہ بادشاہ ثابت ہوسی۔ شاعر موصوف
فلسفے دی گل کو بھی اپنے منفرد شعری انداز پنج پیش کرنے دی خداداد صلاحیت رکھدے
ہین۔ ہور ہمعصر شعراء اندی اس ادبی کاوش کو سُر مہ بصیرت سمجھ کے اکھیاں تے ملدے
ہین۔ موصوف پچھلے بہیاں سالاں تھیں پہاڑی شیرازے دیاں کھنڈریاں دیاں زلفاں
سنوارنے دی کوشش پنج شامل ہین۔ انہاں دی اس کتاب پنج شامل شاعری دے
حوالے نال کجھ حرف نامکمل لکھنے دی کوشش کر سالاں۔ ورنہ اندی شاعری کو ماہری

طرفوں کے سند دی کہنٹ ہی ضرورت ہے۔ جسطراں میں پہلے عرض کیتی ہے، حسرت ہوراں کو شاعری پنج منفرد مقام حاصل ہے، بالخصوص غزل دی خوب صورت عمارت دی تعمیر داچ بھی بدرجہ اتم انہاں کول موجود ہے۔ بڑے خوبصورت پیرائے پنج اپنا مقصد بیان کر چھوڑ دے ہین ہور کسے دے کنوں کن خبر نیہ ہوندی۔ زندگی دے کسے بھی پہلو اُتے شعری چھاپ چھوڑن داچ حسرت ہوراں کولوں کوئی سکھے۔ کسے بھی موضوع تے چند حرفاں پنج مچ کجھ آکھ چھوڑ دے ہین۔ زندگی دے پہل پہلیکھیاں تہ ناپائیداری بارے ہک جائی کجھ اس طراں آکھ دے ہین۔

لگ گئی مرنے غماں دے زندگی اس پہلیکھی پنج جوانی مک گئی
 دین والے دے حوالے ہو گئی زندگی حسرت بے گانی مک گئی
 حسرت ہوراں غزل دے علاوہ تقریباً ہر شعری صنف پنج طبع آزمائی کیتی ہے۔ جہاں پنج حمد، نعت، سی حرنی، باراں مانہ، روایتی نظماں تہ آزاد نظماں شامل ہین۔ لیکن غزل پنج اندا منفرد مقام ہے یا اس طرح آکھنا درست ہو سی جے ایہہ غزل ہی دے شاعر ہین۔ غزل دے ارتقائی دور بالخصوص پہاڑی غزل دے حوالے نال گل کراں یعنی اس دے بچپن تھیں جوانی دے سفر پنج اردو غزل ہی دی طرح پیار، محبت، ہجر، وصال، عشق و حسن، گل بلبل ہی موضوع رہے ہین، لیکن جدید پہاڑی شاعری اس دور بچوں باہر آکے نویں پنج، نویں پیغام دے کے غزل دی صنف کو دوام بخشی۔ نویں غزل سن زندگی دے تمام پہلوواں کو اپنی لپیٹ پنج آندا ہے۔ غرض ہک شاعر جس جس زمانے پنج جو جو دکھ، محسوس کردار ہیا تہ اوہ ہی غزلیہ شاعری دے ذریعہ قارئین تکر پچائے دے کوشش پنج رہیا۔ زندگی دے تمام اُتار چڑھاؤ، اونچ نیچ، کھٹے مٹھے دُکھ درد تہنو کھے، پہل

پہلیکھ، محنت مشقت، ظلم و جبر، سیاسی سماجی، مذہبی ہور اقتصادی پہلو بھی زیر بحث آرہے ہین، موجودہ دور دے تمام نشیب و فراز غزل دے زینت بن دے آرہے ہین۔ اسی جدید روش کو اپنندیاں ہو یاں حسرت ہوراں اپنے دور دے اساتذہ دی پیروی کر کے اپنے آپ کو نویں زمانے دے تقاضیاں دے مطابق غزل دے ذریعے اپنے خیالات، احساسات تہ جذبات کو اسان تکر پہچائے دی ہک کامیاب کوشش کہتی ہے۔ اگے دکھو ہک ہور موضوع تے کجھ اس طراں لکھدے ہین:

سنگ ماہڑے ارمان تو ہڑے ہی کافی ہین
میں دنیاں دی سنگت لوڑی کے کھٹیا
اُس دے ظلم دا دریا آخر سُکسی بھی
ہک غریب دی ٹہنہا ری روہڑی کے کھٹیا

غریبی، امیری ہور ساہوکاری تہ مظلومی دا ذکر حسرت ہوراں کامیابی نال کہتا ہے۔ حسرت کو بغور پڑھنے دے بعد پتہ چلتا ہے جے حسرت ہک خوبصورت تخیل ہور اُچی پرواز دے شاعر ہین۔ ہور کثیر رنگ شاعر ہین تہ اندی شاعری مختلف رنگاں دا مرکب ہے۔ تہ اپنے لفظاں کو انہاں خوبصورت رنگاں بچ رنگ کے زندگی دی اصلیت کو قارئین تکر پہچایا ہے۔ چھٹی چھاری دی دو ٹوک گل نہایت آسان لفظاں بچ دوئیاں تکر پہچندے ہین۔

الغرض عبد المجید حسرت پہاڑی غزل دے بالخصوص تہ پہاڑی شاعری دے بالعموم ہک کامیاب شاعر ہین۔ اپنی شاعری دے ذریعے زندگی دی تنہپ تہ چھاں کو کامیابی نال پیش کہتا ہے۔ کجھ نمونے دکھو۔

جد سر چڑھ تدیراں بولن فر آپے تقدیریاں بولن
 رستے بھی ہن تھر تھر کمن منزل تے شمشیراں بولن
 دنیاں لاشاں تے سیاست کھیڈ دی
 چارے پاسے ایہہ تماشے گر ڈٹھے

کئی وار میں ڈٹھا ہے ہک عجب جنیا منظر
 ماواں دی چہولی تھیں بچیاں کو کھسنے دا

ہر کوئی دس رہیا ہے اج اوپرا اتھے
 میں بدلیاں بھی کے جے زمانہ بدل گیا

ایہہ دنیاں رہا مصر دا بازار بن گئی
 ائی دے مل غریب دا ارمان ٹل گیا ہے

اتھروں پی کے جیساں حسرت
 اکھیاں اُتے بھار نہ کرساں

میں (راقم) زیر بحث شعری مجموعے (پہل پہلیکھ) واسطے اپنے چند حروفِ
 نامکمل رقم کرنے دے نال نال حسرت ہوراں کو دلی مبارک باد پیش کر دیاں ہوئیاں اپنی
 گل کو انہاں دے ہک شعر نال مکاساں کہ

ہک دن تہ اوہ بھی ڈھلسی ماہرے اتھرواں دے بدلے
 جذبات دا اوہ جان کے بیوپار کر گیا
 دُعاء ہے کہ حسرت ہو راں دے قلم کو اللہ پاک مزید جلاء بخشے تاں جے انہاں
 دے قلم تھیں کھنڈرے موتی پہاڑی زبان وادب دے خزانے بچا دھاٹا بت ہون۔
 آمین

محمد ایوب میر (نعم کرناہی)
 ایڈیٹر شیرازہ پہاڑی

بمنہ سرینگر
 یکم جولائی ۲۰۲۰ء



اپنیاں گلاں

خالق کائنات سُن انسان دے اندر جذبات تہ احساسات دی ہک دنیاں بنا رکھی ہے۔ ہر انسان دے احساسات تہ جذبات ہوندے ہین۔ ایہہ احساسات تہ جذبات کئی شکلاں پنج تہ کئی رنگاں پنج انسان دے سینے تھیں بہڑے نکلدے ہین۔ کدے مسکان دی صورت پنج، کدے اُتھرواں دے رنگ، پنج کدے رقص و موسیقی دی صورت، کدے ہائے فریاد دے رنگ پنج تہ کدے گیت بن کے ہوٹھاں تے آگیندے ہین۔

شاعری جذبات دے اظہار دا ہک خوبصورت ذریعہ ہے۔ شاعر سماج دا ہک حساس فرد ہوندا ہے۔ اوہ صرف اپنے احساس تہ دکھ درد دی کیفیت کو بیان نیہہ کردا بلکہ اُس سماج دی عکاسی کردا ہے جس پنج اوہ رہندا ہے۔ اوہ اپنے آپ کو مُنھ تہر کے معاشرے دی گل کردا ہے۔

”پہل پہلیکھ“ بھی شاید انہاں ہی جذبات دی عکاسی ہے۔ جنہڑے اسان

کو تجربات تہ مشاہدات دی صورت پنج لبھدے ہین۔ بقول شاعر

دنیا نے تجربات و حوادث کی شکل میں

جو کچھ مجھے دیا ہے وہ لوٹا رہا ہوں میں

زیر نظر مجموعے دی شروعات حمد اں، نعتاں تہ مناجات و سلام نال ہوندی ہے۔
 اگے غزلاں شامل ہین۔ اُس تھیں بعد نظماں دا حصہ ہے۔ روایتی نظماں دے نال نال
 کچھ آزاد نظماں بھی شامل اشاعت ہین۔ سی حر فیاں، بار اں مانھ تہ قطعات بھی
 مشمولات دا حصہ ہین۔ اس مجموعے اُتے نظر مار کے راقم کو اپنا آپ پہاڑی شاعری دے
 وسیع سمندر دے کنارے کھلا نظر ایندا ہے۔ فنکار ہونے دا دعویٰ نہ کر سکداں، بس دے
 دی آواز تہ اتھروں ہین جہاں کو چٹے شفید کاغذ دے سینے تے رقم کر کے پہاڑی زبان
 دی چھول بچ سجا کے رکھنے دی تمنا ہے۔ اللہ دالکھ لکھ شکر ہے کہ میں اس مقام اُتے پہنچ
 رہیا ہاں۔

میں شکر گزار ہاں انہاں مخلص حضراتاں دا جہاں سُن قدم قدم اُتے ماہری حوصلہ
 افزائی تہ راہنمائی کیتی۔ انہاں حضراتاں بچ سید محمد اقبال ملن گامی صاحب، ڈاکٹر مرزا
 فاروق انوار صاحب، اقبال عظیم صاحب، محمد منشاء خاکی صاحب، نعیم کرناہی صاحب،
 پرویز مانوس صاحب تہ مرحوم محمد مقبول ساحل صاحب قابل ذکر ہین۔ تمام حضرات دا
 مشکور ہاں۔

امید ہے کہ پہاڑی شاعری دے قدردان مطالعے تھیں بعد اپنی قیمتی آراء نال راقم
 کو نوازن۔

عبدالحمید حسرت



حمدِ باری تعالیٰ

حمد باری تعالیٰ

تیریاں حمد ثناواں ربّا ، تیریاں حمد ثناواں
 میں عاجز مسکین زبانوں تیرے نغمے گاواں
 ہستی دے ہر ذرّے اندر تیری قدرت ظاہر
 بجلی دے لشکارے اندر تیرا ہی پر چھاواں
 تو ہی والی ربّا داتا میں ہاں منکن ہارا
 تو ہڑے در کو چھوڑ خدا یاد ہس کیہ ہڑے در جاواں
 دانے دانے اپر یا رب ناں ماہڑا تدھ لکھیا
 اُس داسکر کراں لکھ واری جسد اپیواں کھاواں
 اوہ دلاں دی سندا حسرت پہنیت اندر دے جانے
 اپنی شانِ کریمی صدقے کر مقبول دعاواں



حمد

توہڑے دربارِ پنج بادب ہو کے بس دعاء لکھے
 ماہڑی عاجزِ قلم ہے کس طرح حمد و ثناء لکھے
 توہڑے جلوئے حسنِ مولیٰ جہاں دُورِ نذرِ پنج
 زباں ماہڑی ثناء بولے قلم صد مرجبا لکھے
 کوئی ذرہ بنا اس دے حکم تھیں ہل بھی نہیں سکدا
 اوہ مالکِ لوحِ قلم جس کو فنا لکھے بقا لکھے
 توہڑی شانِ کریبی دی مکو ہے آس بس ڈاہدی
 کہ مغفورِ جہاں ماہڑی سزاواں کو جزا لکھے
 ماہڑے پلے ندامت دے ایسہ ہی بس چار اُتھروں ہین
 قلمِ حسرت ہمیشہ تُوں دے در دا آسرا لکھے



حمد

میں سیاہ بخت ہاں میں سیاہ کار ہاں
 توہڑی رحمت دا مولیٰ طلب گار ہاں
 اپنے عیباں کو میں گن نہ سکداں کدے
 اعترافِ گناہ ہے سزا وار ہاں
 توہڑی نظرِ عنایت اگر نہ ملے
 بے سہارا ہاں کتنا تہ لاچار ہاں
 اپنی شانِ کریبی دے صدقے خدا
 بخش ماہڑی خطا میں خطا وار ہاں
 جس دے درتھیں کوئی خالی مڑا ہی نیہہ
 میں اُسی در دا حسرت منکن ہار ہاں



حمد

میں کچھ نیہہ بس توں ہی توں ہیں
 ماہڑے اندر باہر توں ہیں
 میں تہ بس ہک نقش ہاں توہڑا
 خاص مقصور توں ہی توں ہیں
 میں عاجز مسکین نمانا
 خالق قادر توں ہی توں ہیں
 میں ہاں توہڑے در دا بردا
 داتا ظاہر توں ہی توں ہیں
 میں ہاں عیب گناہاں پہڑیا
 عیبوں ظاہر توں ہی توں ہیں
 میں ہاں حسرت بندہ فانی
 اول آخر توں ہی توں ہیں



حمد

جہانِ کائنات اندر بیاں جسدا نشان جسدا
 ماہرے دل دے سیاہ خانے دے بچ بسدا مکاں جسدا
 اوہ ہی اعلیٰ تھیں اعلیٰ عرش تھیں کہن کے فرش توڑیں
 ہر ہک ذرے دے بچ جلوہ ہے فر بھی لامکاں جسدا
 بٹے بھی حمد پڑھدے ہین اُسی دی رات دن سارے
 کہ سارے بے زباں پتھراں دا ہے وردِ بیاں جسدا
 ماہرا دل بھی منور ہو گچھے اس پاک ذکرے سنگ
 ہر ہک سچے تھیں سچا عقل تھیں اُچا مکاں جسدا
 ماہرے عیاں کو کرسی معاف حسرت آس ہے ڈاہڈی
 میں اس دے دردِ بردا ہاں زمیں جسدی زماں جسدا



حمد

دل بچ اسدا ڈیرا ہے
 نہ اوہ دور خالص ہے
 رنگاں دے بچ رنگ اُسی دے
 صبح شام سویرا ہے
 اُس دے کرم تھیں سب جگ بسدا
 گھر تیرا گھر میرا ہے
 جس دل بچ اوہ جھات نہ مارے
 اُس دل سدا انہیرا ہے
 دل آباد ہے ماہڑا حسرت
 ذکر کوئی اچیرا ہے



نعتِ نبویؐ

نعت

با وضو میں پہنچ رہیا ہاں شعراں دے نذرانے آقاؐ
اتھروں اپنے نالے ہاڑے درد دے کجھ افسانے آقاؐ

شافی محشر، ساقی کوثر شانِ تہاں دی اُچی ہے
پار سمندرے ہجران ترنفاں اوہ درد پرانے آقاؐ

تدے درتے دشمن آکے بھردے جھول مراداں دی
رحمت دی چھاں تھلے رکھے اپنے ہوو بے گانے آقاؐ

پروانے صدیق جے تہ عمر، عثمانؓ، علیؓ دی عظمت
جنت دی بشارت لہی، کیتے خوب یارانے آقاؐ

سفر تیاری کر کے حسرت ڈیکے ہک بلاوے کو
دُبدے دینہہ کو دکھ کے اکثر دُھلدے نین نماںے آقاؐ



نعت

ہک وار بلا کہندے سرکار مدینے نبی
میں درد دا کر کہند اظہار مدینے نبی

اُس دھرتی اقدس دی مٹی بھی چمن تارے
ہر شے کو غلامی دا اقرار مدینے نبی

میں ڈوبل کے گل اتھروں اکھیاں دا وضو کیتا
بانہل کدواہساں میں دربار مدینے نبی

اُس شہر دا ہر ذرہ جنت دا نظارہ ہے
ہر پاسے رحمت دے آثار مدینے نبی

کے لمی اڈاری ہے خیالاں دے پکھنوں دی
دل جان اتھے تڑفے اوہ پار مدینے نبی

اس ہجر دے روگی خالی ایہہ تمنا ہے
بس آخری ساہ کہند ایہہ بیمار مدینے نبی

حسرت جے عاصی تے یارب ایہہ عنایت کر
جند جان کہماواں میں ہک وار مدینے نبی



نعت

دل تڑنے ہجر فراقے بچ فراتھروں آپے ڈھل جانے
اوہ کیسا نیک تصور ہے غم سارے آپے پہل جانے

غم خوار غریباں دے آقا فریاد سنن مسکیناں دی
جس پاسے نظر عنایت ہے خوشیاں دے جہنڈے جھل جانے

دتا ہے سبق سخاوت دا خود پہکھے رہ کے دنیاں کو
بس اُندا دامن جو پکڑن اوہ بھاری قیمت تُل جانے

مکی ہے غلامی دنیاں تھیں احسان ہے کملی والے دا
جد اُندے عدل دی گل ہوندی خود طوق غلامی کھل جانے

بس قسمت اُچی ہے ماہری جے ایسی شان نصیب ہوئے
اُس شہر دی مٹی تے حسرت کچھ اتھروں ماہرے ڈھل جانے



نعت پاک

ہر پاسے رحمت بہر دی ہے ہر سو ہریالی ہوندی ہے
جس ویلے بچ تصور دے اوہ کملی کالی ہوندی ہے

کے آکھاں ہور مقدر دا معراج ہے اندی قسمت دی
جہاں اکھیاں اگے ہر ویلے روضے دی جالی ہوندی ہے

دیدار جے ہوسی روضے دا عمراں دی زہدی جالکسی
ہک آس نمائی مولیٰ تھیں ہر وقت سوالی ہوندی ہے

توں رب تھیں جد کجھ منگدا ہیں تاں لیویں نام محمدؐ دا
ہر ہک دُعاء اُس ذکر بنا بس خالی خالی ہوندی ہے

دنیاں دے فریباں بچ حسرت آقادی غلامی کے سمجھیں
آقا دے غلاماں دی جگ تھیں تصویر نرالی ہوندی ہے



نعت پاک

درود صبح تہ شام لکھساں
میں جد بھی تدا کلام لکھساں

بڑا ہی عیبی ہاں یا نبیؐ میں
میں کے تساں دا مقام لکھساں

تساں دی ذاتِ مقدس اُتے
میں تا حیاتی سلام لکھساں

بلا تے کہنڈیو مدینے ہک دن
میں درد بھریا پیام لکھساں

بیان کرساں میں غم دا قصہ
تہ دُکھڑے اپنے تمام لکھساں

مدح نبیؐ پنج پرو کے حسرت
میں حرفاں ہستی ذوام لکھساں



نعت پاک

عرش تھیں فرش تک ہک خوشی چھا گئی
سبز گنبد کو چم کے ہوا آگئی

جد تصور سمندراں تھیں پار ہو گیا
اس انہیرے دے لے بچ ضیاء آگئی

بے کساں تے یتیمیاں کو حق لہہ گیا
مرضِ انسانیت دی شفا آگئی

تحفہ کہن آئے قرآنِ رمضان دا
فرہدایت دی جگ تے فضا آگئی

جو نبی دی مدح بچ رقم ہو گئے
انہاں حرفاں حیاتی بقا آگئی

اندی شان شفاعت تے آس آگئی
اپنے عیاں تے حسرت حیا آگئی




نعت پاک

انہیر امٹ گیا دنیاں تھیں جد نورِ ہدیٰ آئے
 فرشتے پڑھ رہے سن عرش تے صلے علیٰ آئے
 نورانی لاٹ ہک چمکی جہالت دے انہیرے بچ
 ہدایت دا دیا بالی لوئی دے راہنما آئے
 تئساں دی نظرِ رحمت عاصیاں دی آس ہے ورنہ
 اسماں دے لیکھن کج تک زمانے دے گناہ آئے
 کنارہ مل گیا ہک وار فر دُبدی حیاتی کو
 یتیمیاں بے کساں دکھیاں دے بن کے آسرا آئے
 بنڈے جس پھل زمانے کو پتھر بھی سہہ کے دنیاں دے
 انہاں دے درتھیں دشمن بھی دکھاں دی کہنن دوا آئے
 نمائی جند حسرت دی تہ لکھاں غم زمانے دے
 سنو حضرت کہ عاصی کہنن کے ہوٹھاں تے دوا آئے



نعت پاک

ربّا کوئی بہانہ لکھ دہ
 شہر مدینے جانا لکھ دہ
 اُن دے در دی خاک دا سُرْمہ
 اکھیاں دے بچ پانا لکھ دہ
 ماہڑی قسمت اندر یا رب
 اُن دے در دا دانہ لکھ دہ
 دھوڑ انہاں سُچیاں گلیاں دی
 چہرے اپر سجانا لکھ دہ
 روضہ اقدس باندے کھل کے
 دو ہک شعر سنانا لکھ دہ
 شہر مدینے دا سفری ہے
 حسرت ہک نما نا لکھ دہ



نعت پاک

جدوں ذکرِ مدینہ آگئی فراتھروں آپے ڈھل جاسن
توں ترفیں بجر فراقے پنج غم سارے آپے بھل جاسن

اے بجر نبی دے مارے دل ہک آس اجاں بھی باقی ہے
جے سوچ سمندراں پار ہوئی فرستے سارے کھل جاسن

آفاق دے مھتے تے کوئی تحریر ہمیشہ رہندی ہے
جو دامن پکڑن احمد دا اوہ بھاری قیمت تُل جاندے

آساں دی بنجر دھرتی کو برسات دی ہن ضرورت ہے
کچھ اتھروں ڈھول ندامت دے پھل جھونے دے فر پھل جاسن

اُس وقت تمنا بول اٹھسی میں منزل لوڑ کھندی حسرت
جد اُس دھرتی دی جھولی پنج دو اتھروں ماہڑے ڈھل جاسن



نعت پاک

کدوں ربّا نصیبیاں بچ مدینے دا سفر ہوئی
 اوہ روضے پاک دا منظر تہ عاسی دی نظر ہوئی
 کدوں سوہنے دی گلیاں بچ مسافر بن کے میں پھر ساراں
 دُعاواں دی فضاواں بچ ماہری بھی چشم تر ہوئی
 حیاتی بچ کدوں ایسے خدایا روز و شب ایسے
 کہ مکے بچ نماشاں تہ مدینے بچ سحر ہوئی
 ماہڑا سینہ منور ہو گیا جد یاد آقا سنگ
 نہ نیہری قبر دی وحشت نہ دل بچ کوئی ڈر ہوئی
 دُعاء مقبول ہو جاسی خطا کاراں دی بھی حسرت
 تصور بچ بشر دے جد اوہ ہی خیر البشر ہوئی



نعت پاک

سارے جگ تھیں پیارے حبیبِ خدا

بے کساں دے سہارے حبیبِ خدا

تدے قدماں تھیں دھرتی کو رونق ملی

بے کساں تہ یتیمیاں کو عزت ملی

سارے عالم کو نورِ ہدایت ملی

نورِ حق دے نظارے حبیبِ خدا

سارے جگ تھیں پیارے حبیبِ خدا

بے کساں دے سہارے حبیبِ خدا

تساں تشریف آندی ضیاء آگئی

عرش تھیں فرش تک ہک خوشی چھا گئی

سارے دُکھ دے دلاں کو شفا آگئی

آمنہ دے دلارے حبیبِ خدا

سارے جگ تھیں پیارے حبیبِ خدا

بے کساں دے سہارے حبیبِ خدا

تُدے صدقے اساں کو بھی بخشے خدا

تسوی شانِ شفاعت ہے صد مرجبا

حسرتاں دل دیاں دی ہے بس ہک صدا

اسیں عاسی تہ اسدے حبیبِ خدا

سارے جگ تھیں پیارے حبیبِ خدا

بے کساں دے سہارے حبیبِ خدا



نذرانہ عقیدت

نذرانہ عقیدت امام حسینؑ

قلم جدِ معرکہ کربلا دا تذکرہ لکھسی
صبر دی انتہا لکھسی عشق دی انتہا لکھسی

بہتر جاں نثاراں دی مثالاں پیش کر کر کے
زمانہ مرجبا، صد مرجبا، صد مرجبا لکھسی

ظلم دا جس گھڑی بھی تذکرہ ہوئی زمانے پنج
قلم اٹھسی یزیداں واسطے فر بدِ دعاء لکھسی

مکمل ہونیہہ سکا اندھ توڑی تاریخ دا ورقہ
موزخ جد توڑی تحریر پنج نہ کربلا لکھسی

مٹا سکدی نیہہ ظلماں دی کوئی شمشیر حد کر کے
جہاں دی ہستیاں کو عرش والا خود بقا لکھسی

سیاہی بن کے خاک کربلا ہر دور پنج حسرت
قیامت تک فراتِ غم دالما سلسلہ لکھسی



نذرانہ عقیدت بحضور امام حسینؑ

کر بلا دے دشت پنج ہک کارواں زندہ رہیا
تیر کھا کے فر بھی عشقے دا جہاں زندہ رہیا

کتنی ڈاڈی آزمائش ہے مقامِ کر بلا
کر کے ترہائے وداع آب رواں زندہ رہیا

کد زمانہ مثل دکھی اس نمازِ شوق دی
پہکھدی ریتے تے اوہ سجدے دا نشان زندہ رہیا

زینتِ ممبر و مسجد بن گیا ذکرِ حسینؑ
ہو گیا باطل فنا حق دا بیاں زندہ رہیا

کر بلا دی خاک کو آپے معطر کر گئے
معرکہ حق و باطل دا سماں زندہ رہیا

قلم لہوے بچ ڈبوسی حشر تک احساس دی
سینہ انسان بچ غم دا جہاں زندہ رہیا

یا حسینؑ تدی صداقت تہ شجاعت کو سلام
وردِ حق تا آخری دم بر زباں زندہ رہیا

فرکدے ڈھل نہ گچھے حسرت دکھاں دا اوہ فرات
درد بن کے سوزِ جگرِ عاشقاں زندہ رہیا



نذرانہ عقیدت امام حسینؑ

ظلم کو ختم کرنے دا اعلان ہے
 جانُ تن راہِ مولیٰ تے قربان ہے
 پانی بدلے بھانویں خون ڈھلدا رہوے
 جھنڈا اسلام دا اُچا چھلدا رہوے
 دین دا باغ کھلدا تہ پھلدا رہوے
 اپنے کیتے تے باطل پشیمان ہے
 جانُ تن راہِ مولیٰ تے قربان ہے
 سجدہ شوق آپے ادا کر گئے
 جگ تھیں باطل کو آکے فنا کر گئے
 باغِ اسلام دا فرہرا کر گئے
 کتنا اُمت تے اُندا ایہہ احسان ہے
 جانُ تن راہِ مولیٰ تے قربان ہے

اُندی شانِ شہادت ہے صد مرجبا

اُندے صدقے خدایا توں بخشیں خدا

کچھ نہیہ پلے ماہڑے ہک ہے دستِ دعاء

اپنے عیاں تے حسرت پریشان ہے

جانِ تن راہِ مولیٰ تے قربان ہے



نذرانہ عقیدت امام حسینؑ

دینِ حق دی شان تہ عظمت صداقت کو سلام
 اے شہیدِ کربلا شانِ شہادت کو سلام
 جلوہ ایثار دا کر کے نظارہ اج توہری
 کردے ہین فرات دجلہ اُس شجاعت کو سلام
 چھاڑ تلواراں دا ہے ہو عاشقاں دی ہے نماز
 ہر عبادت کر رہی ہے اُس عبادت کو سلام
 ظلم دی ہک اگ بجھائی خون اپنا ڈھول کے
 فرش تھیں تا عرش تک ہے ایسی جُرت کو سلام
 پہکھ تہ ترس کو بھل کے دوئیاں دی فکر کردے رہیے
 دشمنان تے ترس کھاؤن ایسی عادت کو سلام
 اُچا ہو کے رہ گیا اسلام دا جھنڈا ہمیش
 ہر گھڑی ہر دور حسرت اُس امامت کو سلام



غزلان

ہو گئی ہر ہک آس پرانی کے کھٹیا
اُس دے ناں حیاتی لائی کے کھٹیا

اینویں بھی اوہ تریل دا ٹیپا سک کیسی
دھرتی اُتے اگ برہائی کے کھٹیا

جے مظلوم دا ہتھ پکڑیں تاں میں منساں
ہک غریب دی ٹہناری ڈھائی کے کھٹیا

اوہ فریاد تے عرشاں توہڑی نہ پہنچی
دتی صبح شام تھووائی کے کھٹیا

ٹہاکے ٹہیری ہو گئے حسرت دنیاں دے
تدھ شنگراں دے مہندی لائی کے کھٹیا



فراوہ رُٹھا یار مناواں چر توڑی
 آساں دا ہک شہر بساواں چر توڑی
 بوٹے پیٹ کے نفرت دے اس تہرتی تھیں
 پیار وفا دے بوٹے لاواں چر توری
 ماہڑے گھر کو سیک بھی لکسی جے سوچاں
 فر کنیاں اس دا گھر تہکھاواں چر توڑی
 تیلے تیلے ڈیرا بھاویں اڈر گیا
 ٹھہلے مارن فر ہواواں چر توڑی
 ایہہ پنجرہ تے جیندے جی نہ ٹُسی گا
 باہواں نہیرے پیا کُٹاواں چر توڑی
 نالوں نال حیاتی دے ٹُسی حسرت
 اُس دی یاداں دا پرچھاناواں چر توہڑی



درد ہجاں تک یار پرانا باقی ہے
 خوشیاں دا ہک ہور بہانا باقی ہے
 ان کوئی اس دل تے ربا آن پئی
 شکر ہے توہڑا یار ٹھکانا باقی ہے
 ہجاں تک تہ ہوٹھ ماہڑے ترہائے ہین
 اوہ پیانہ ہور میخانہ باقی ہے
 تاں ایہہ مجنوں روز ہی پیدا ہوندے ہین
 دھرتی تے ہک ہور ویرانہ باقی ہے
 سن سکدیں تاں دل کو تھم کے سن کہنیں
 درداں دا حسرت افسانا باقی ہے



جد سر چڑھ تدبیراں بولن
 فر آپے تقدیراں بولن
 رستے بھی ہن تھر تھر کمن
 منزل تے شمشیراں بولن
 یاد توہڑی پنج اج بھی ظالم
 بے روحیاں تحریراں بولن
 میں اڈنے دی جد بھی سوچاں
 پیراں ہو زنجیراں بولن
 کندھاں آپ گواہی دیں
 قاتل دیاں تصویراں بولن
 ہر سکندر مٹی حسرت
 لا وارث جاگیراں بولن



چمن بچ شام تھیں پہلاں ہی اُلو بولدے رہندے
پتنگے جاں نثاری واسطے پر تولدے رہندے

نشانی کے سمبھالاں میں بدلے موسماں دے سنگ
اُنہاں دی بے وفائی دے زخمِ نت مولدے رہندے

توہڑے ساہواں دی راکھی آپ کرسی ڈرنہ رکھ کوئی
مخالف بے ہواواں بچ زہر پئے گھولدے رہندے

کجھاں تارے بھرے جھولی گجھاں سودا کیتا چن دا
تہ کجھ مجبوریاں دے موتیاں کو رولدے رہندے

ایہہ پانی لسی جائی تھیں ہمیشہ ہی تڑنڈا ہے
کئی رازاں کو زخاراں تے اتھروں کھولدے رہندے

ستایا ہے جدوں بھی وقت دی پہکھر مکو حسرت
ماہڑی یاداں دی سیجاں تے اوہ پکھے چہولدے رہندے



قلم تھیں کچھ درد بھی ڈھلدا رہیا
خوشیاں اگے غم ماہڑا رُلدا رہیا

میں پتہ چنتے چھپا کے تاں پھراں
اپنا ناں بھی نہیر بچ بھلدا رہیا

بے وی دی رُتاں ماہڑے سامنے
راز توہڑے پیار دا کھلدا رہیا

ہک غریب ارمان توہڑے شہر بچ
کوڑیاں دے مل سدا ملدا رہیا

چمکھڑاں تہ چولیاں دے سامنے
ماہڑی آساں دا اوہ پھل پھلدا رہیا



اج بہاراں دکھ کے کتنا یار اوہ مغرور ہے
 ننگی ہو گئی ہر ہک ڈالی جھڑی بھر بھور ہے

یار لہماں ہو گیا رستہ تو ہڑے انصاف دا
 عمر ماہڑی مک گئی اوہ فیصلہ مچ دور ہے

میں تو ہڑی خوشیاں دی خاطر مچ چھپائے آتھروں
 کے پتہ کتنے غماں تھیں دل بے چارہ چور ہے

ہر گھڑی احساس دی سولی کو ایہہ چاہڑا
 دل دیاں گٹھاں تڑفدا درد ہک مجبور ہے

اُس کو دیوے بالے دی لوڑ نیہہ حسرت کوئی
 جسدا دل تسدے تصور تھیں سدا پُر نور ہے




جیندا رہیاں دل تروڑی کے کھٹیا
ہُن حیاتی رہ گئی تھوڑی کے کھٹیا

پیلے پتر جھڑن لگے جد ڈالی تھیں
فر مہار بہاراں موڑی کے کھٹیا

سنگ ماہڑے ارمان توہڑے بس کافی ہن
میں دنیاں دی سنگت لوڑی کے کھٹیا

ظلم توہڑے دا دریا آخر سک کیسی
ہک غریب دی ٹہاری رُوہڑی کے کھٹیا

اوہ بھی آخر حسرت راہواں چھوڑ گیا
جس دے پچھے دنیاں چھوڑی کے کھٹیا



طرحی غزل

دل دی دنیاں ہو گئی ویران یارو کے کراں
جاندی واری کر گیا احسان یارو کے کراں

ابنِ آدم جنگلاں بچ اج پناہواں ڈھونڈا
پھرن وحشی بستیاں حیوان یارو کے کراں

کھیڈنے ہسنے دی رُت کو نظر کس دی کھا گئی
شہر دی گلیاں دھسن سنسان یارو کے کراں

زندگی دی اوبکھتاں نے چور کردتا مکو
بُت جیوا ہک رہ گئیاں بے جان یارو کے کراں

سرتلی تے رکھ نہ سکیا دوستاں میدان بچ
کہنن کے ہتھاں بچ پھرن ایمان یارو کے کراں

ہک قدم ہک سہا بھی مرضی دا لہیا نہ مکو
آگیا ڈاہڈے دا جد فرمان یارو کے کراں

دور تک اوہ نال آکے نہیریاں بچ سٹ گئے
ایسی سنگت دا دہسو ارمان یارو کے کراں

اتھرواں سنگ ہے حیاتی ہور کے دولت ماہری
میں ہاں درواں کہنیر یا انسان یارو کے کراں

ڈھول کے موتی میں حسرت لوڑداں دھرتی اُتے
اس زمیں سُن کھا کہندے اسمان یارو کے کراں



کے گلہ کرسیں کہ دنیاں تے تئو اتبار نیہ
جد تئو ساہواں تے اپنے یار کجھ اختیار نیہ

ماہڑے بوہے تھیں بہاراں مار جھاتی مڑ گئیاں
نا مرادی دی ایہہ بستی خشبواں دی یار نیہ

ایہہ حیاتی عمل دی کھیتی ہے جانی دوستا
ایہہ امانت ہے غنیمت موہنڈیاں دا بھار نیہ

کے پتہ کتنے غریباں دے ہواواں گھر پٹے
ہر کے دا ترجمان اس شہر دا اخبار نیہ

تاہنگ توہڑی سنگ حیاتی دے ہے کافی دوستا
کے ہویا اپنے نصیباں بچ توہڑا دیدار نیہ

کچھ بقا رہی نہ قطرہ جد سمندروں نکھڑیا
درد ماہرے کول بھی ہے درد دا اظہار نیہ

نفرتاں تہ حسد دا جدوں زہر جُٹے پھیلیا
دہس ذرا ایہہ سوچ حسرت خون دا بیو پار نیہ



قطرہ

گزریاں گھڑیاں تے رونا چھوڑ دہ
بچ گئے شیشے جہزے اوہ جوڑ دہ
میں سوالی ہو رہی کہڑے در جلاں
دین والے کو خوشیاں موڑ دہ



غم تو ہڑا ملیا تہ میں سمجھاں خدائی مل گئی
کون آکھے پیار بچ بس بے وفائی مل گئی

مار ٹکراں سر خداں کو آس بھی ہک بچ گئی
وصل دے ارمان کو لہمی جدائی مل گئی

کل تو ہڑی توں راہ مولیٰ منگ رہیا سیں روٹیاں
کس طراں جگ دی ٹکو حاجت روائی مل گئی

ٹُر زمینیں تے جہاں مچ وقت ہے پرواز کو
پہلیاں دے پر جدوں نکلے تباہی مل گئی

اج میں سنیا اوہ بھی ظالم تارے گن دے جاگ کے
اس کو ماہڑے درد دی حسرت گواہی مل گئی



ہن تے موڑ مہار اکھیاں ترس گئیاں
 ہک جند غم ہزار اکھیاں ترس گئیاں

جگ دے سینے بچ بس نفرت پلدی ہے
 راہواں زلدا پیار اکھیاں ترس گئیاں

آساں دا ہک دیوا اج تک بلدا ہے
 مُردی کد بہار اکھیاں ترس گئیاں

اج نیہہ ہوش ٹھکانے کے دہ ماں
 ڈانڈا ہجر خمار اکھیاں ترس گئیاں

دکھ غریب دی رتجھاں واسطے ایہہ دنیاں
 بن گئی مصر بازار اکھیاں ترس گئیاں

ہک سکھنے اسمان دے متھے تے اکثر
 تارے کرن شمار اکھیاں ترس گئیاں

دین کے سنیہا حسرت خوشیاں دا
 رت رنگے اخبار اکھیاں ترس گئیاں



ہک پکھنوں بے پر میں ڈٹھا
 پھر دا در بدر میں ڈٹھا
 کے کے دہساں اس نگری بچ
 جدا پلدا ڈر میں ڈٹھا
 جس سن خواب اُجاڑے ماہڑے
 سڑدا اس دا گھر میں ڈٹھا
 خوشیاں فر کنہمائیاں غم تھیں
 ایہہ سودا بھی کر میں ڈٹھا
 توں بھی رُسیا بچ حیاتی
 جلوہ توہڑا مر میں ڈٹھا
 موت تھیں بدھ وچھوڑا حسرت
 ایہہ صدمہ بھی جر میں ڈٹھا



میں تے ہجراں دا حال لکھ بیٹھاں
 توہڑے غم دا کمال لکھ بیٹھاں
 اپنی غزلاں دے روپ بچ سارا
 درد اوہ لا زوال لکھ بیٹھاں
 پھلاں کلیاں تہ تاریاں دے بچ
 بس ہے توہڑا جمال لکھ بیٹھاں
 حال دہساں میں کے نادانی دا
 اس کو غم دا پیال لکھ بیٹھاں
 قلم چایا ہے جد بھی لکھنے کو
 یار توہڑا خیال لکھ بیٹھاں
 ایسے پنجرے دی قید بچ حسرت
 میں تے جیناں محال لکھ بیٹھاں



غم دی سنگت بڑی ضروری ہے
ہر خوشی ورنہ کچھ ادھوری ہے

توہڑی دنیاں دے پچھے شیشے نیہہ
ماہڑے خواہاں دی چکنا چوری ہے

میں جدائی دا زہر پیتا ہے
فر بھی موتو تھیں کتنی دوری ہے

صاف دل دی سیاہی نیہہ دکھدے
لوک سمجھن ایہہ چہرہ نوری ہے

قبرے ارمان کہن کے جل گيساں
سفر اوکھا ہے سنگ ضروری ہے

ماہڑے ساہواں کو کٹھن کے جی حسرت
ہن توہڑی آرزو تے پوری ہے



اج دل دے بہڑے خوشیاں ہین فریاد کسے دی آئی ہے
اکھیاں تھیں ساون دُھلدا ہے ہک چھم چھم چھم لائی ہے

میں چن تھیں اُدھاری لومنگی تہ دیہنہ تھیں نور بھی کجھ منگیا
سب بولے لوڑ توں لو ایسی جس لو تھیں لو شرمائی ہے

دہس یار بخیلی ہور کے ہے تده زہر ہواواں بچ گڈیا
ہک ہاسا توں نہیہ بنڈ سکدا اُس شنگراں مہندی لائی ہے

ہر پاسے چیخاں سن سن کے اج پکھنوں ڈردے بوٹے تے
اس دور دے غافل سمجھن کے ایہہ اَن مٹی شہنائی ہے

میں اپنی اس نادانی دا احوال کے دہساں دنیاں کو
کجھ اپنی قسمت کھوٹی ہے کجھ جگ دی بے پرواہی ہے

فر تیز ہوا تھیں کے ڈرنا جد پٹ سٹیا کسہر آساں دا
ہر رُت دے ٹھہلے کھا حسرت ایہہ قسمت بھی ازماں ہے



نفرت حسد دے کسہر دا بوہا ہر پاسے میں کھلیا ڈٹھا
 بوٹا بغض بخیلی والا ہر موسم بچ پھلیا ڈٹھا

پہلے مشکل دے گل لگنا تاں فر منزل حاصل ہوئی
 ہر بھل خوشبو دین تھیں پہلاں گارے اندر گھلیا ڈٹھا

نفرت دا انہیر مٹاواں دیا پیار دا بالی رکھاں
 اس انہیرے بچ مسافر اکثر راہے بھلیا ڈٹھا

خوشیاں دے کے غم خریدے مل اساں دا کٹھنیا آخر
 دل دا سودا کر کے ہر دم اتھروں اکھ تھیں ڈھلیا ڈٹھا

ہر دل اتھے روندنا ڈٹھا ہر اُمید تڑندی ڈھٹی
 اکھ دا تارا آخر حسرت مٹی دے بچ رُلایا ڈٹھا



بچ سمندراں سٹ کے آخر ہو گئے دور کنارے اج
پہل خوشی دے سک گئے سارے بھار غماں دے بھارے اج

کدھر گئی اوہ ریت پرانی درد پرانے بنڈنے دی
میں تے سارے لوک ڈٹھے نی اپنے غم دے مارے اج

ہویا چمن ویرانا سارا ہر ہک ڈالی روندی ہے
گیت غماں دے گاندے گاندے مر گئے پہور بے چارے اج

راہ اوکھا تے سفر لمیرا کتہلی جند نمائی ہے
روح بھی آخر چھوڑ گیا ہے دیکے چہوٹھے لارے اج

کد تک میں ٹھگاساں حسرت دل دیاں روندیاں آساں کو
اُس بے دردے توڑ دتے نی رشتے ناٹے سارے اج



ستم دا پنچہ ہک واری جے گردن تھیں ہٹا کئہندا
عنایت کر کے اوہ ظالم ماہڑے دل دی دعاء کئہندا

انہاں دی خوہی کجھ ایسی کہ تیراں پھینکدے رہندے
کدے نہ حوصلہ کیتا کہ سینہ میں چھپا کئہندا

میں خوشبو دی تمنا بچ کنڈے دل بچ چھا بیٹھاں
کدے پہلاں پتہ ہوندا تاں سب بوٹے سکا کئہندا

ایہہ ماہڑے بے بسی دیکھو کہ یکدا ہاں زمانے بچ
جے ماہڑے کول زر ہوندا تاں مل اپنا چکا کئہندا

مجت دے فریباں نے اساں دا حال ایہہ کیتا
جے حسرت نہ خطا کردا کئہندا اوکھی سزا کئہندا



سرمایہ زندگی دا بیکار ہو گیا ہے
اکھیاں تھیں ہک طوفان دا اظہار ہو گیا ہے

جس نے اُجاڑی بستی اگ لائی رونقاں کو
سنیاں ہے اوہ بھی ظالم غم خوار ہو گیا ہے

دل کو تھساں دے پیار دی سوغات مل گئی ہے
اکھیاں بچ اتھرواں دا انبار ہو گیا ہے

ترسے قبولیت کو ماہری دعاء خدایا
شائد تھساں دے در تھیں انکار ہو گیا ہے

ہن کتنے زخم دیسیں بے درد زندگانی
حسرت تو ہڑا شکار تے کئی وار ہو گیا ہے



ویلے دی تہند آکے امیدیاں چھپا گئی
اکھیاں دے شیش محل پنج اتھروں بسا گئی

سب رشتے ڈوب دتے نفرت دے نہیر پنج
ترتی دے چے چے ظالم ہوا گئی

میں اپنے اتھروں پی کے جیندا رہیاں ہمیش
پھلاں بھری دی شاخ کو چہکھڑ ہلا گئی

اس دور دے انہیر پنج میں ڈب کے رہ گئیاں
دل پنج دبی دی تہو کھ ہونٹھاں تے آگئی

سرا یہ خاک ہو گیا حسرت ماہری دعاء
اج نامراد ہو کے عرشے تھس آگئی



ایہہ دنیاں بے مروت ہے کدوں اُلفت نبھاسکسی
مگر دیوانیاں کو بس ایہہ سولی تے چڑھاسکسی

میں جیندارہ گئیاں ہر دور دے نہیرے تھیں لڑکے
ماہری آساں دی ڈالی کو اوہ چہکھڑ نہ ہلا سکسی

جے مظلوماں دی خود داری دا قد اتنا ہو یا لہتا
تاں ظلماں دا کوئی پھندا گلے تک ہن نہ آسکسی

زباں دی قدر کر غافل زمانے دا تقاضا ہے
بھلاوے بچ کوئی بکدن شناخت نہ بچا سکسی

غنیمت جان اج تک میں کوئی گل بات کر دا ہاں
کدے جے رُس گئیاں کھوار کوئی نہ مناسکسی

کسے داناں مٹا چھڑیا ہے حسرت دل دی تختی تھیں
ماہری غزلاں دے شعراں تھیں کدوں دنیاں مٹاسکسی



کوئی ہر ویلے تہکھدا ہے تہ نت اتھروں بکیندا ہے
اوہ اپنی بے بسی دا قصہ رو رو کے سُنیدا ہے

ہے اکھیاں بے رُخی دل بچ بسایا حسد تہ کینہ
زمانہ خُلق تہ اُلفت ہو لیس ہو لیس بھلیندا ہے

توں اپنی زندگی کو فر کوئی خوشیاں دا تہہو کھا دہ
زمانہ سگدل ہے ہر گھڑی ہر پل زلیندا ہے

اساں سُن زندگی دے کے کفن آخر کیتا حاصل
ایہہ دُنیاں دی رسم ہے مُفت کجھ بھی ہتھ نیہہ ایندا ہے

ماہڑے اخلاص کو حسرت چروکا سمجھیا ظالم
اُجاڑی آپ جس بستی اوہ فر آپے بسیندا ہے



نویاں کچھ کچھ آساں پالاں روز ہک محل بنا کے چھوڑاں
ٹٹے شیشے جوڑاں نت نت بنے بنائے رشتے توڑاں

قسمت ہتھتاں نال بناواں بس ہک محنت لگدی ہے
ٹھیک نیہہ لگدا ایہہ کم سچاں ہتھتاں دی لیکاں بچ لوڑاں

ہر پاسے خود غرضی نفرت دکھ تہ ہک بے دردی ہے
مہر محبت تہ سکھ جتھے ایسی ریت پریت تہ لوڑاں

میں تہ گُھٹ گُھٹ جیندا رہندا اس انہیری دنیاں بچ
اپنے ارماناں دی گردن ہتھتاں کسراں آپ مروڑاں

دل زخمی ہے ڈٹھا کس سن ہتھتاں تھیں رت بگدی ہے
قسمت بچ لکھیا ہے حسرت ہر پل پچے شیشے جوڑاں



غم دا چہکھڑ پھلایا اتھے
 در در تے دل رلیا اتھے
 نفرت دے نہیرے بچ گم کے
 ہر کوئی راہوں بھلیا اتھے
 ہک عجیب زمانہ آیا
 روح جسے سنگ ٹھلایا اتھے

بے دردی تہ بے پرواہی
 نفرت دا در گھلایا اتھے
 ہر ارمان دے دا حسرت
 گوڑی دے مل ٹھلایا اتھے



اج رات غماں دی ہے نیہہ ویلا ہسنے دا
خوشیاں دے باغ اُجڑے کوئی رنگ نیہہ بنے دا

احساس دی سولی تے کئی وار میں ٹنکیا ہاں
کیاں فر بھی ہجاں زندہ ایہہ راز نیہہ دسنے دا

کئی وار میں ڈٹھا ہے ہک عجب جیہا منظر
ماواں دی چہول بچوں بچیاں کو کھسنے دا

اس قوم دی کشتی کو نہ چھوڑ طوفاناں بچ
کر ہمت جواں کجھ نیہہ ویلا نسنے دا


خوشیاں ہن مک گلیاں ہے پنجرہ تیار حسرت
ہن ویلا آیا ہے پکھنوں دے پھسنے دا



پھل خوشی دے پھلے اِج
 کنڈیاں دے بچ رُلے اِج
 مہر وفا تہ درد دا واشہ
 سارے قصے بھلے اِج
 ہر ہک بندہ سڑدا اِتھے
 بن گئے اندر چُہلے اِج
 بستی بستی جنگل بن گئی
 پھرن درندے گھلے اِج
 حسرت سارے خواب نمانے
 اتھروں بن کے ڈھلے اِج



آپی پھل سکائے سارے
 رو رو نیر مکائے سارے
 بوٹا نفرت دا ہن پھلایا
 جگ نے کنڈے راہے سارے
 دولت ہے کمزوری سب دی
 فتنے اس بنائے سارے
 دانے لالچ والے سٹ کے
 پکھنوں جال پھسائے سارے
 ہتھاں دی ہک لیک نیہ مٹی
 قسمت خاب مٹائے سارے
 حسرت کیاں بے درداں اگے
 دکھڑے تده سنائے سارے



بستی ایہہ انساناں دی ہے
 قیمت قدر حیواناں دی ہے
 پیراں تلے رُلدی جہڑی
 لاش ماہڑے ارماناں دی ہے
 نویں سوچ لیاں جہڑے
 قوم کو لوڑ جواناں دی ہے
 خبرے دو گز کفن بھی لبھی
 لوکاں فکر مکاناں دی ہے
 دُوب کے ترسی کشتی حسرت
 سنگن نت طوفاناں دی ہے



کتنے زخمِ زندگی دے کھا رہیاں
میں دے کو روگ کوئی لا رہیاں

نفرتاں تہِ حسد دے اس نہیر بچ
آدمی کو دکھ کے میں پہچھتا رہیاں


بک گئی نیلامیاں تے ہر خوشی
دفن کر کے زندگی میں آ رہیاں

اتھرواں دی کوئی قیمت ہیہ اتھے
اس زما دے رسمِ ازما رہیاں

فر بہار ایسی کدے حسرت اُتے
میں دے کو آکھ کے سمجھا رہیاں



مالی پھل مروڑ کے ٹُریا
 کندیاں دے پنج چھوڑ کے ٹُریا
 غم دا سنگی بے پرواہ ہے
 خوشیاں تھیں مُنھ مور کے ٹُریا
 کُجھ نیہہ چھوڑیا جاندی واری
 اتھروں سب نچوڑ کے ٹُریا
 منزل بنسی قسمت اُسدی
 جہنہوا قداماں جوڑ کے ٹُریا
 ارماناں دیاں قبریاں حسرت
 یاداں اج دبوڑ کے ٹُریا



زلدی رہی دُعاء بھی باندے
 مُلدی رہی وفا بھی باندے
 اکھیاں اگے غلطی کیتی
 ملدی رہی سزا بھی باندے
 نظراں بچ حکیم ادہ آسا
 گیا زخماں لا بھی باندے
 کتنے درد دے منظر تکے
 ہسدا بے پرواہ بھی باندے
 ہک دن مل کے گلاں کرساں
 میں، توں ہوو خدا بھی باندے
 ہسنے دا جس بہانہ دِتا
 اج گیا روا بھی باندے
 ارماناں دی لاش کو حسرت
 ٹُریا اج دفنا بھی باندے



ہر زخم دکھ رہیا ہے اج ہر غم بھی ہُن جوان ہے
موسم غماں دا آگیا اکھیاں تھیں لہو روان ہے

اُس تھیں بغیر ہوٹھ بھی پہلے نے مسکراہٹاں
ترکے غماں دے تیر ہن سینہ ماہڑا نشان ہے

گلیاں تہ کوچے کوچیاں رُلدی رہی ہے زندگی
بے ترس سارے لوک ہن ظالم بڑا جہان ہے

سُکی ہے دل دی شاخ بھی اج موسم بہار بچ
اُڑیا باغ بے وقت مالی بڑا حیران ہے

یارب تو ہڑے جہان بچ حسرت تے نامراد ہے
مُدتاں تھیں روندی ہے دعاء ایہہ کیسا امتحان ہے



ہُن اُس دے پیار دا بھی بہانا بدل گیا
اکھیاں دا قصہ دل دا فسانا بدل گیا

بچے ہُن اِس نگر دے کس نال کھینڈن
مجنوں دا اس گلی تھیں ٹھکانا بدل گیا

لٹیا ہے رنگ و بو دی ہک حرص سُن جہاں
ہک مچ ہی ذی شعور سیانا بدل گیا

ہر کوئی لگ رہیا ہے اج اوپرا اتھے
میں بدلیاں بھی کے کہ زمانا بدل گیا

چانن لگا تھساں دا کوہ طور دی طراں
حسرت ماہڑے دے دا ویرانا بدل گیا



سڑدے پھل بہاراں ڈٹھے
 اوکھے منظر یاراں دٹھے
 نفرت حسد دے نہیرے اندر
 دُبے دل ہزاراں ڈٹھے
 بے ہمت پئے رہ گئے چچھے
 رستے نویں سواراں ڈٹھے
 رتِ نچوڑ کے پیندے اتھے
 مچِ طبیب بیماراں ڈٹھے
 دن دی لوئی دے بچِ حسرت
 تارے کئی لاچاراں ڈٹھے



مُدتاں تھی میں چھپایا اوہ راز کھل گیا ہے
ہک درد دا سمندر اکھیاں تھیں ڈھل گیا ہے

میں سام سام رکھیا جگ دی بری نظر تھیں
اکھیاں دا اوہ بھی موتی بچ خاک رُل گیا ہے

کتنا بدل گیا ہے اوہ موسماں دے نالوں
وعدے تہ قسماں سارے بے درد بھل گیا ہے

ایہہ دنیاں رہا مصر دا بازار بن گئی ہے
اٹی دے مُل غریب دا ارمان ٹل گیا ہے

ہک بستی جس بسائی دل دی انہیریاں بچ
اج ہر دیا بجھا کے محفل تھیں جل گیا ہے

کد تک سمھال رکھدا آساں پرایاں حسرت
ماہڑے ہتھاں تھیں کوئی شر داں دا پھل گیا ہے



پیا دل بچ بسدا ہے مزمان برا لگدا
اوہ سگی حیاتی دا ارمان برا لگدا

حیواناں بچ ڈٹھی میں خوبی اُلفت دی
حیران ہاں انساں کو انسان برا لگدا

میں لکھیا لہوے سنگ ہک قصہ دل اُتے
ہن اپنی کہانی دا عنوان برا لگدا

کر ہمت کجھ زیادہ بدلا تقدیراں کو
نت منا قسمت دا احسان برا لگدا

توں اپنے حالے تے کجھ غور بھی کر حسرت
کیاں بریاں گلاں دکھ کے حیوان برا لگدا



کتنے درد فسانے زلے
 اکھیاں خاب ایانے زلے
 اتھروں ہک بیہ ڈھلیا دکھ کے
 اپنے ہور بیگانے زلے
 مدت گزری اکھیاں دے بچ
 کتنے خاب سہانے زلے
 خوشبو دے تہو کے بچ پھے
 شرماں پھور نماں زلے
 کچھ ارمان دے بچ حسرت
 گزرے کئی زمانے زلے



عمر خوشیاں دی سوہانی مک گئی
 خون بچ بھی اوہ روانی مک گئی
 اُتھرواں دی زندگی تھوڑی جی
 دُھل کے اکھیاں تھیں کہانی مک گئی

پیار، ہمدردی دا جزیہ گر گیا
 ریت ساری اوہ پرانی مک گئی
 لگ گئی مرنے غماں دے زندگی
 رُلدیاں در در جوانی مک گئی

فرش تھیں تا عرش تلوڈھونڈ دی
 زندگی حسرت نہانی مک گئی



بھلے ارج نظارے سبناں
 تہاڑی دسدے تارے سبناں
 دکھدیاں، دکھدیاں اس نگری تھیں
 بھن گئے بھار پیارے سبناں
 کھادا بچ ضمیر بھی لوکاں
 خود غرضی سُن مارے سبناں
 سٹ گئی زندگی قبرے اندر
 دے کے چہوٹھے لارے سبناں
 حسرت مان جہاندا کیتا
 مئے خاص سہارے سبناں



دو گھڑیاں غم ظالم نیہہ دل تھیں نکلا ہے
خبرے کد ڈنگ مارے ایہہ ناگ تے پلدا ہے

اس دل دیاں گٹھاں بچ ہک درد نما ہے
احساس دے تیراں سنگ دل ماہڑا سدا ہے

ایہہ کہڑا تماشہ ہے چن تارے دکھ دے ہین
اوہ آس دا ہک موتی اج خاکے رلدا ہے

قسمیں جس کھا ہدیان سن اس سردی کئی واری
ہن اسدا نشانے تھیں کوئی وار نیہہ ملدا ہے

اس پیار دا بیری ہے جگ تھیں بھی جدا حسرت
اوہ ساڑ کے دل اپنا ہن تلیاں ملدا ہے



نت رُلدے ارمان میں ڈٹھے
 رستے سب ویران میں ڈٹھے
 خوشیاں دی دعاء میں منگی
 غم دے نت طوفان میں ڈٹھے
 خود غرضی دے اس نگری بچ
 رُلدے کئی انسان میں ڈٹھے
 یارب خیر ہوئے پھلاں دی
 شرماں دے امکان میں ڈٹھے
 مٹی دے بچ رُلدے حسرت
 دینہ چن تہ اسمان میں ڈٹھے



جنگل باغ سڑے اس رُت بچ ہر ڈالی فریادی کیتی
رت دا کارو بار کیتا تھ کے سوئی بربادی کیتی

کدھر گئے سکون دے دے کدھر گئی محفل دی رونق
امن سکون دا ڈیرا پٹ کے وحشت سن آبادی کیتی

ہائے ارمان تلے تہ چھمرو تھدی چھولی آنہ سکداں
سینہ رچھ کھول دتے تھدہ ربتا سپاں دی آبادی کیتی

مر گئے ارمان دے دے جیندا ہاں ہک قبرے بچ
چن تارے سب تو ہڑے ربتا ماہڑے دل ناشادی کیتی

گزرے ویلے یاد بے آئے تہو کھ لگی اس سینے بچ
اکھ کھولی ارماناں حسرت زندگی بے سوادی کیتی



خوشیاں دا اعتبار نہ کرساں
 غم دا کچھ اظہار نہ کرساں
 زخم لگے تے کیتی توبہ
 دل دا کاروبار نہ کرساں
 ٹھپ دی ساڑی شبنم آکھے
 پھلاں نال پیار نہ کرساں
 لد کے بھار بھروسے والا
 دل کو میں لاچار نہ کرساں
 سیک کے اگ بجلی والی
 سہنہ ساڑ انگار نہ کرساں
 دُوب کے مرنا اس بچ ہک دن
 خوشیاں دا انبار نہ کرساں

دُبا دینہ نہت کوکاں مارے
 توبہ ہار سنگار نہ کرساں
 لالچ دا کوئی بھوت دلے تے
 بھل کے یار سوار نہ کرساں
 چپ چپتاؤ ب گیساں میں
 کوکاں شور پکار نہ کرساں
 اتھروں پی کے جیساں حسرت
 اکھیاں اُتے بھار نہ کرساں



قطعہ

پھلاں دی اکھیاں تے ٹیپے تریڑ دے
 کتنے کنڈیاں دی اوہ چنہو باں سہہ گئے
 موسماں دا حال پچھیا شام سُن
 صبح دے اتھروں کہانی کہہ گئے



اج بدل گیا موسم ہر موڑ خفا لگدا
ہے روح تے اُداسی بچ ہو دل بھی جدا لگدا

اس دور دے انساں کو اُلفت دی عنایت کر
نفرت دے روگ اُتے ایہہ درد دوا لگدا

کر زندگی کو روشن دل ساڑ کے توں اپنا
چنگا نیہہ مکو بلدا مٹگیا دا دیا لگدا

ہر طرف اُداسی ہے ہک خوف جینا منظر
اس شہر دے نہیرے بچ ہر ظلم روا لگدا

ایہہ زندگی امانت ہے ہن موڑ کہنوں حسرت
ہن اتنا لاغر ہاں ایہہ بھار سزا لگدا



زندگی انسان کتنے کھا گئی
 موت آکے راز ایہہ سمجھا گئی
 غم دے مارے کے بہاراں لوڑ دے
 رُت جیڑی آئی انہاں ترسا گئی

پہلاں پہلاں پیندی آسی ایہہ شراب
 خون پی کے شاعری پچھتا گئی
 لالچاں تہ حرص دے اس دور بیچ
 دوستی بھی رنگ ارج بدلا گئی

ہو گئے پورے ماہڑے ارمان سب
 زندگی کو موت جد گل لا گئی
 سام کے رکھی میں حسرت عمر تھیں
 اچ کیاں فریا د ہوٹھاں آ گئی



ہک وار دل اُتے ایہہ تحریر لکھ چھوڑاں
پیراں تساں دی یاد دی زنجیر لکھ چھوڑاں

ہر طرف جتھے خوشیاں ہر طرف رونقاں
آ ایسے خاب دی اج تعبیر لکھ چھوڑاں

محنت کراں اے دوستا ہن دل دے خون سنگ
خوشحال قوم دی آ تعمیر لکھ چھوڑاں

ارمان اُس بنا کے ایہہ فیصلہ دتا
اس درد کو ہمیش دا بے پیر لکھ چھوڑاں

چنگا نیہ ہوندا روز دا قسمت اُتے گلہ
منگ کے خدا تھیں آپ ہک تقدیر لکھ چھوڑاں

حسرت تساندے سامنے میں اتھروں ڈھول کے
چہرے تے زندگی دی تفصیر لکھ چھوڑاں



کچھ زخم ہوو لاویں ارمان کچھ جگاویں
چھکھڑاں دے شہر اندر ہک آلنا بناویں

میں اپنے اتھرواں بچ ارمان ڈوب چھوڑے
جہلم دے پانیاں وے ماہری آس دندے لاویں

کد تک سمھال رکھاں جند جان سب پرائے
سجناں وصل دا مہن توں پیغام تے سناویں

ہک بے بسی دا قصہ در در تے کے رُلاسیں
ایہہ درد لا دو ا ہے دل بچ سدا چھپاویں

میں دکھ نہ سکداں حسرتِ بربادیاں دا میلہ
اکھیاں کو دے کے ہاسا مچ درد نہ بدھاویں



راز دل دا اکھ پئی دسدی رہی

سوچیا پتھر دی سل گھسدی رہی

اپنے گھر دا اج پتہ پچھنا پیا

ہائے بستی اوپری بسدی رہی

میں تے اُس دے حال تے رونداریاں

دنیاں ماہڑے حال تے ہسدی رہی

موت دے سرتے لگا الزام گل

زندگی بھی زندگی کھسدی رہی

کے دہساں حسرت تے اُس دی زندگی

ایہہ کبوتر جال بچ پھسدی رہی



جد کدے ڈٹھے میں اُجڑے کسہر ڈٹھے
اپنے کسہر بچ لوک میں بے کسہر ڈٹھے

میں تے رکھی تانگ ڈاری مارساں
آس دے پنچھی کپے دے پر ڈٹھے

کے دہساں کے کے گزاری ہجر بچ
کتنے رستے اکھیاں اتھروں بھر ڈٹھے

نہ بنیں مظلوم دنیاں ماری
اس زمانے دے ظلم میں جر ڈٹھے

دنیاں لاشاں تے سیاست کھیڈ دی
چارے پاسے ایہہ تماشے گرڈٹھے

کفن جان ایہہ زندگی دی چادران
خاصیاں حسرت ایہہ سودے کر ڈٹھے



یاد دی بستی اندر ٹونڈاں ٹھکانے یار دے
اتھروں سب چھولی سمھالے میں بے گانے یار دے

زہر دیاں کٹھاں میں پی کے اج توڑی زندہ رہیاں
بنگئے ارمان سارے ہائے نشانے یار دے

پتھراں دے شہر اندر نہ بنائیں کنہر کدے
شیشیاں کو چور کر گئے مچ بہانے یار دے

چھانولا بوٹا کوئی رستے تھیں کیا ظالماں
پھل خزاں دے کے برابر اس پرانے یار دے

برف دی لانی تہ چھمراں سامنے ماہڑا مزار
مر کے بھی آباد کیستے میں ویرانے یار دے

قید بچ کسراں گزردی ہے حیاتی دی کسہڑی
پیراں بچ سنگلاں تکیں آکے نماںے یار دے

جے بصیرت ہے تاں ہر دڑے بچ اُسدا نور دھک
ایہہ بہاراں تے خزاں موسم سہانے یار دے

اوہ فقیراں کو غنی کردا ہے اپنے کرم تھیں
ہر گلی ہر موڑ تے کھنڈے خزانے یار دے

بھانویں منصورے دے وانگو دنیا سولی چاہڑی
میں تہ مردے وقت بھی پڑھساں فسانے یار دے

توہڑیاں ہوٹھاں تے حسرت عاجزی کے بولیں
پکھنواں پہوراں زبانی سن ترانے یار دے



کھیڈن کچھ کچھ نال چنے دے اسماناں تے چڑھ کے
کچھ نمائے دیوے بالن دہنیئے اگے کھڑ کے

اُن دے بھی کسہر چنہو گئے رہا شرد دے پتراں نالوں
جہاں رکھیا کسہر دا بیٹا فولاداں کو کسہر کے

اسماناں تھیں چنہو کے اٹھنا میں کچھ من بھی گسیاں
پر کدے نہ اٹھیں سجناں توں نظراں تھیں چنہو کے

کھس کے کھینا لوکاں کولوں ہے عادت حیوانی
کے کچھ لبھسی دہسو یارو ہک دوئے سنگ لڑ کے

اس گرمی دے کچھ ہک بچے منزل دی راہ لوڑن
اگے اگے ٹردا جاویں اُن دا ہتھ پکڑ کے

ہک ہک ٹیپا بگدا حسرت پانی ہن اکھیاں تھیں
خاک ہو یا جد باغ دے دا ہاڑ دی گرمی سڑ کے



شرد دے پتر کے جانن راز ماہرے حال دا
کے دہساں کے کے نہ کیتا کون لکھتاں ٹالدا

غرض دے سگی ڈٹھے بازار دا دستور بھی
کوئی نہ گاہک جگ تے لبھیا کھوٹے جے مال دا

بُجھ گئی شمع بھی آخر خونِ دل منگدی رہی
قدرداں لوئی دے مکے کون دیوے بالدا

روزگاراں کو نہ ترفیں ایہہ حقیقت سمجھ کے
پتھرے دے جگر اندر کون کیرا پالدا

جہلمے دے اُس کنارے خوش بسیں توں ظالماں
توہڑیاں ہجراں گزردا ہر مہینہ سال دا

ٹُر گئے غمخوار حسرت مُرد کے نہ دکھدے کدے
کون بیٹھا بچ اڑیکاں اج بھی قصے جالدا



اُجڑیاں اُن بستیاں دی مچ نہ ہُن فریاد کر
آ نویں دنیاں دے اندر کسہر نواں آباد کر

غم دی سنگت ہے پیاری مفت دی ہے ایہہ شراب
بن گیا دل مے کدہ ہن ہور بھی برباد کر

اج تلو پھل مارنے برداش نیہہ ہوندے ماہڑے
میں توہڑے پتھر بھی جھلے اوہ زمانے یاد کر

بے بسی دے جال اندر پھس گئی ہے زندگی
ہجر دے پنجرے تھیں کڈھ کے دوستا آزاد کر

سڑ گیا بوٹا اوہ حسرت بھانویں جہلم ڈھولیا
آس دے بوٹے کو یارب فرکدے تے شاد کر



ہواواں نے دُکھ بچھلے سارے جگائے
 بھلے بسرے سب دردِ اج یاد آئے
 میں ڈیکاں تساں بجاں شنگراں تھیں اوہلے
 تِساں اج توڑی بھل کے پھیرے نہ پائے
 پھلاں دی اکھیاں تریڑاں دے ٹیپے
 زمانے ڈٹھے ہوو فسانے بنائے
 اوہ جیندا رہیا لا کے ہوٹھاں تے جندرے
 ایہہ نہوہرے گلے بھی زمانے سکھائے
 اکھیاں دا جہلم تِساں در رواں ہے
 برفاں دے ڈل سارے گالے مکائے
 ماہڑی شوقِ حسرت سلامت اجاں بھی
 توہڑے حُسن دے پھل تے شرِ داں سُکائے



پُہل پُہلیکھے زندگی دے زندگی کو کھا گئے
چپ چپیتی آرزو کو خاب کچھ ترسا گئے

اپنا کسہر ہی قید خانہ بن گیا ہے کے کراں
اپنی بستی اپنا پنجرہ اپنا آپ تہو کھے کھا گئے

پر کپا کے ہن پکھیروں کے اڈرای مارن
لالچاں دے جُگ کے دانے آپ ہی پیچھتا گئے

موسماں دی نیت بھی چنگی نیہہ لگدی سوچ کئہن
بجلیاں چٹھولی چھپا کے جان والے آگئے

ویلے دیاں ہین نمازاں تہ کویلے ٹکراں
گل سیانی لوک دانا حسرتا سمجھا گئے



ختم بچناں خون بچ بھی ہن روانی ہوگئی
 اج پرائی اوہ پیاری زندگانی ہوگئی


پیلیاں پتراں دی دنیاں گس کو دیواں دوستا
 ناں توہڑے اے ظالماں کھلدی جوانی ہوگئی

رتجھاں دی قبریں کو دکھ کے ہر گلی ہر موڑ تے
 کے دھساں برباد کسراں زندگانی ہوگئی

زندگی تھیں بھی پیاری آس بہک آسی مگو
 سام رکھی اج توڑی آخر بے گانی ہوگئی

اتھرواں چہرے تے ڈھل کے کھول دتے راز سب
 اکھیاں اکھیاں دی زبانی بہک کہانی ہوگئی

میں تہ حسرت درد دا اظہار نیہہ کیتا کدے
 ایہہ خطا شائد ماہڑی غزلاں زبانی ہوگئی



رُلدی ہے درداں دی ماری رستے بچ
 تڑنے ہک فریا دیچاری رستے بچ
 ہن مریض دا حال نہ پچھو کے گزری
 لگدی ہے دعاء بھی پہاری رستے بچ
 چا کے تھکی مچ حیاتی بے چاری
 بھاری غماں دی ہک کھاری رستے بچ
 ہر کوئی اپنے غم بچ دُیا دسدا ہے
 ختم ہوئی جگ تھیں غم خواری رستے بچ
 دہ امانت موڑ کے حسرت وقتے نال
 رہ گئی ایہہ چیز اُدھاری رستے بچ



جند نمائی رُسی کد تک کچھ بولو
غمدا چہکھڑ چہلسی کد تک کچھ بولو

نفرت دے اس باغے اندر دھوتے
پیار دا بوٹا پھلسی کد تک کچھ بولو

غم نت دا مزمان ہے دل بچ بسا دا
خبرے کسہر تھیں جُلسی کد تک کچھ بولو

سینے بچ طوفان ہے دُکھاں درداں دا
اکھیاں تھیں ایہہ دُھلسی کد تک کچھ بولو

چھپیا دل دیاں گُٹھاں حسرتِ عمراں تھیں
راز پتہ نیہہ گھلسی کد تک کچھ بولو



تہرتی تھیں اسمان دی قیمت کے پُچھاں
میں اپنے ارمان دی قیمت کے پُچھاں

رت برتی اس نگری دی ہٹی تے
میں چھلیا انسان دی قیمت کے پُچھاں

ماء دی زُہدی لکھ بھی جے نہ یاد رہی
میں اسدے احسان دی قیمت کے پُچھاں

بچ کے اوہ احساس دی دولت دنیاں تھیں
ہُن ہک بُت بے جان دی قیمت کے پُچھاں

ہوس پرستی دے بازارے بچِ حسرت
رتی بھر ایمان دی قیمت کے پُچھاں



فر کے سُن گل سنائی درداں دی
 پہنکھر دل بچ ہو رہنکھائی درداں دی
 نیم حکیمی اپنی حد ازماندی رہی
 دیندا رہیا بیمار تہنوائی درداں دی
 رکڑ تہرتی دا ایہہ روڑا منکدا نیہہ
 اکھیاں سن برسات برہائی درداں دی
 ٹپا ٹپا ڈھلے اتھروں شعراں دے
 جد بھی تہہ سوغات پُچھا ہی درداں دی
 ٹھہلا ٹھہلی ریت ہے اتھہ دنیاں دی
 کس کو کچھ کے گل سمجھائی درداں دی
 ہک بے چارے دے اُتے کے ورتی
 تہہ بھی حسرت حد ازمانی درداں دی



خاب اوہ چکنا چور کیتے تاں کے لبھیا
زخم ماہڑے ناسور کیتے تاں کے لبھیا

میں تریڑ دا ٹیپا اینویں سک جاندا
تہرتی تے تندور کیتے تاں کے لبھیا

اپنے متھے تے اُس ظلم لکھا کہندے
درد ماہڑے مشہور کیتے تاں کے لبھیا

کیستی نیہہ گستاخی تارے پہننے دی
سب ارمان رنجور کیتے تاں کے لبھیا

ہر کوئی بٹے مارے پکے میوے کو
تدھ بوٹے پتھر پتھر کیتے تاں کے لبھیا

حسرت ہر دم پچھدا اس زمانے تھیں
بجن ماہڑے دور کیتے تاں کے لبھیا



خود غرضے انسان ماہڑے نیہہ تْسدے ہین
 پھسے بچ طوفان ماہڑے نیہہ تْسدے ہین

کے غم کھاواں میں پرائی چیزاں دا
 دینہہ چن تہ اسمان ماہڑے نیہہ تْسدے ہین

میں تہ ہک خلوص ترکھڑی رکھدا ہاں
 ایہہ کھوٹے پروان ماہڑے نیہہ تْسدے ہین

اس بازارے ہر کوئی ایندا جُلدا ہے
 بچن جو ایمان ماہڑے نیہہ تْسدے ہین

مکو درد دی دولت دتی تَدھ حسرت
 ایہہ روندے ارمان ماہڑے نیہہ تْسدے ہین



نظام

التجاء

جد تک ساہواں دی کھیڈ رہی میں رحمت لوڑاں آخر تک
میں بخشش ہو رعنایت دی اُمید نہ توڑاں آخر تک

اقرار کراں تے مجرم ہاں، انکار کراں تے گُور ہوئی
میں عاصی توہڑی رحمت دی ہک آس نہ چھوڑاں آخر تک

غیراں کو توں امان دینویں میں فر بھی تو ہڑا بردا ہاں
کرماں دی بارش کر میں تے دامن نہ چھوڑاں آخر تک

غیراں دے در تھیں دور رکھیں بس تو ہڑا در ہی کافی ہے
ہک در تو ہڑے دایں منگتا ہتھ دوئے جوڑاں آخر تک

میں عاجز تہ لاچار تے ہاں پر رحمت توہڑی کافی ہے
ماہڑی دولت حسرت ہین اتھروں پیا نین نچوڑاں آخر تک



شناخت

منڈھ قدیمیاں تھیں عیاں شانِ شجاعت اُسدی
 موضوعِ محفل دارہی سوہنی طریقت اُسدی
 کردی حیران زمانے کو سخاوت اُسدی
 دو جہاں واسطے زینت ہے شریعت اُسدی

رب کائنات نے آدم تھیں ہے انساں کیتا
 شکر اُس ذات دا جس سُن ہے مُسلمان کیتا

واسطے جگ دی ہدایت دے ہے قرآن دیتا
 تزکیہ نفس دی خاطر اسالِ رمضان دیتا
 پنج نمازاں دی پُکاراں دا ہے اعلان دیتا
 امن تہ رجم دے پنج بڑا ایمان دیتا

درس نیکی دا عبادت دی عنایت لبھی
 صلہ رحمی بھائی چارہ تہ ہدایت لبھی

ہے معبود ہک ہی ، ہک ہی فکر دے جانو
 اسیں وارث ہاں علم ہوو ہنر دے جانو
 ہاں نہ منگتے گسے ہوو دے در دے جانو
 نہ پُجاری ہاں کسے شمسِ قمر دے جانو

ذات واحد ہے شریک نہ اُس دا کوئی
 اوہ نہ جمیا گسے تھیں ہوو نہ جنیاں کوئی

اساں نمرودی تہ فرعونِی زمانہ ڈٹھا
 دورِ جہالت ابو جہلِ فسانا ڈٹھا
 نالے نالے اساں نبیاں دا کُہرانا ڈٹھا
 نعرہ تکبیر دا ہر دور ترانہ ڈٹھا

اسیں مٹساں نہ حشر توڑی مٹا کے دِکھو
 دُب کے اُٹھساں کسے طوفانِ دُبا کے دِکھو

اج بھی اِلیس کئی چہرے بٹا کے ایندے
 کچھ تلے کوئی شمشیر دبا کے ایندے
 کوئی صورت ہی اساں والی بنا کے ایندے
 کوئی للکار کے اعلانِ سُنّا کے ایندے

اس دی پہچان دا حافظ ہے اس دا اللہ
 کوئی مٹاسی نہ اُنہاں کو ہے جہاں دا اللہ



قلم

خالق بھی لکھے لکھتاں ایہہ قلم دی عظمت ہے
عرشاں تے بھی رہندی ہے ایہہ اس دی فضیلت ہے

مالک کو غلام، کدے شاہواں کو گدا کدری
بے باکی و حق گوئی قلمیں دی طبیعت ہے

حاکم تہ کوئی مُصنّف شاعر تہ لکھاری ہے
ہے اہل علم کوئی بس قلم بدولت ہے

حافظ تہ شیرازی یا اقبال تہ رومی ہے
ایہہ رب دی عنایت ہے ہور قلم دی عزت ہے

اس قلم دی عظمت کے میں دہساں جاہل کو
با ذوق تہ با علماں اس نال محبت ہے

احسان کیٹا یارب میں جہے نمانے تے
ایہہ نعمت ندھ بخشی حسرت تے عنایت ہے



قطعه

زندگی بچ درد دا طوفان ہے
زندگی بھی زندگی بے جان ہے
ٹر گئے دل تھیں خوشی دے قافلے
کے پتہ دل کد یلکی مزمان ہے



وطن دی مٹی

خوشبوواں کھنڈیاں بچ ہواواں
 سوہنیاں سوہنیاں خاص اداواں
 بہار تے ہوندی ہے مچ پیاری
 رونق لاون موڑ خزاواں

ایہہ مٹی ہے پیاری مٹی
 سونے تھیں بھی نیاری مٹی

اس مٹی دے ذرے پیارے
 قدرت نے کے خوب نکھارے
 لشکے ہر ہک ذرہ اس دا
 تہرتی اُتے کھنڈے تارے

ایہہ مٹی ہے پیاری مٹی
 سونے تھیں بھی نیاری مٹی

ساون دی برسات لگی ہے
 خوشبو دی بارات لگی ہے
 دل دماغ بھی سبجرا حسرت
 قدرت دی سوغات لگی

ایہہ مت ہے پیاری مٹی
 سونے تھیں بھی نیاری مٹی



قطرہ

رگن رگن کے قدم رکھے جس دی تلاش بچ
 نیڑے پہنچا کے آپ اوہ منزل وچھڑ گئی
 سرتے بدل بھی گجدا تہ کڑکدا رہیا
 ڈوگی گسے غریب دی جگ باندے سڑ گئی



پہاڑی جوان

اکھیاں بچ خود داری دے
 سینے بچ غم خواری دے
 ہمت خوب کرااری دے
 موہنڈے چادر پیاری دے

سر تے گلاہ شان انہاں دی
 شرعی لباس پہچھان انہاں دی

سوئی پہاڑی بولی بولن
 مٹھی رس کناں بچ گھولن
 چھپے دے گجھ راز بھی کھولن
 دنیاں دی ایہہ نبض ٹولن

شکلوں بہت پیارے لوکو
 اسماناں دے تارے لوکو

پہاڑاں پہن کے رزق کماندے
 فرہادے دی رسم نبھا ندے

گے گل تھیں میہ کھیرانے
اگے اگے بدھے جانے

صبر دا لڑ نہ ہتھوں چھوڑن

رب دا خاص بھروسہ لوڑن

پڑھ لکھ کے مچ اگے جانے

قوم دا اچا ناں کرانے

ماں بولی تے مان ایہہ کرے

قوم دی عزت خاطر مردے

طوفاناں تھیں نہ ایہہ ڈرے

کتنی وارا ایہہ ڈبے ترے

دشمن دے دند کھٹے کرے

رل مقابلہ کھٹھے کرے

رستم تہ سہراب سدھاون

آلفت دا دستور نبھاون

اوکھے ویلے میل کے راہون

مجبوراں دے کم نبھاون

جس پاسے بھی ایہہ ٹر جاون

خالی ہتھ نہ حسرت آون



ٹھنڈی چھاں

کتنے جتن تیسے کردی
دُکھ سہندی پر آہ نہ بھردی
لگن نہ دیندی گرمی سردی
بچیاں خاطر تڑندی مردی

بچیاں خاطر قہیے جالے
پہنکھی رہ کے انہاں پالے

غم سارے اوہ آپے سہندی
دُکھ درداں کو دور کریندی
تقی تھپ نہ لگن دیندی
سرتے اپنی چھیری ڈھیندی

حسرت سرتے چھاں ہوندی ہے
ہور کوئی نیہہ ماں ہوندی ہے



مٹھی زبان

مٹھی ہے زبان اساں دی
 ایہہ ہے یارو شان اساں دی
 نال فخر دے بولاں پہاڑی
 سوتی ہے پچھان اساں دی
 پہوراں دے نغے دے وانگوں
 بولی خاص روان اساں دی
 جان بھی حاضر توہڑی خاطر
 زندگی ہے قربان اساں دی
 کھلدی پھلدی رہوے ربا
 رہوے زبان جوان اساں دی
 ماکی نالوں مٹھی حسرت
 ماں بولی ہے جان اساں دی



ہمت

ہزار رستے تہ منزل ہک ہے قدم تے اگے بدھا کے دکھو
راہواں دے پتھر بھی آپ ہٹسن ٹھوکر اس سنگ ہلا کے دکھو

خدا داناں کنہن آغاز کیتا جہاں نے شوقِ سفر دا یارو
قطرے قطرے تھیں ہوندا رو ریاد لے دی ہمت جٹا کے دکھو

ہے کامیابی بھی اس جہاں دی تہ نالے عُقسی دی کامرانی
تلاش تہ جستجو ضروری دے لے تھیں پردے ہٹا کے دکھو

اساں دا ہے حوصلہ سلامت اسیں طوفاناں کوٹھہلدے ہاں
اسیں نہ ڈردے انہیریاں تھیں کدے ہے ہمت ڈرا کے دکھو

جگر فولادی اساں دا دکھو اسیں پہاڑاں دے پترِ حسرت
جہڑا بھی نکرے اوہ آپ پنہجسی کدے اساں کو مٹا کے دکھو



کوہاڑا

کوہاڑا موہنڈے اُتے چڑھیا
 گچھ گھنے جنگل بچ بڑیا
 ڈکنے نال بھی فر نہ اڑیا
 کر گیا مارو مار کوہاڑا
 جنگل دا سردار کوہاڑا

چنگی پان لوہارے چاھڑی
 تہرتی دی فر مئی داڑھی
 آکھن اوزون لٹر بھی پھاڑی
 کردا کے کے کار کوہاڑا
 جنگل دا سردار کوہاڑا

ہک غریب دی ٹہاری بن گئی
 دشمن دنیاں ساری بن گئی
 آپے خاص بے پاری بن گئی

لُدا ٹکل سنسار کوہاڑا
 جنگل دا سردار کوہاڑا

مٹھی گرم نہ جد تک ہوسی
 قید کوہاڑا تدھ تک ہوسی
 قیمت اس دی حد تک ہوسی
 کھلسی فر ہک وار کوہاڑا
 جنگل دا سردا کوہاڑا

بوٹے کپ کے فر پچھتاواں
 کتنی واری قسماں کھاواں
 مڑ کدے نہ جنگل جاواں
 ٹلدا نیہہ لاچار کوہاڑا
 جنگل دا سردا رکوہاڑا

حسرت کجھ خیال تے کریو
 بوٹے لا کے تہرتی بھریو
 نیہہ تاں اپنی گردن دھریو
 ٹوٹے کرسی چار کوہاڑا
 جنگل دا سردار کوہاڑا



دراٹی

ابن آدم عقل چلائی
دراٹی لوہا کپ بنائی

چاھڑی پان لوہارے چنگی
بن گئی دراٹی ڈنگ پڑنگی

انساناں دے کم بناوے
حیواناں کو خوب رجاوے

لیتیریاں دے پنج جان ایہہ پاوے
ہتھال پنج چمکارے لاوے

لوہے دے دوروں نالے آئی
اس تھیں ہے تلوار بھی جانی

مُنڈھ قدیم دی سنگت اس دی
کڑ مشین بھی منکت اس دی

ایٹھی طاقتاں دا بر گھر کے
گن مشیناں نالوں گھر کے

سب مشیناں مکدیاں جتھے
اس دی لوڑ پیندی فر اتھے



شام دے سائے تھیں ڈرنا چھوڑ دے
ایہہ فضولا خوف کرنا چھوڑ دے
ہر انہیرے دے پچھے چھپیا سویر
موت تھیں پہلاں ہی مرنا چھوڑ دے



لوک

اس نگری بچ دکھدا رہنداں رتو دے ترہائے لوک
اپنے اتھے سارے ہو کے فر بھی ہین پرانے لوک

رونے دی نیہہ فرصت ملدی کیسا عجب زمانہ ہے
کتنے درد چھپا سینے بچ کر دے ہائے ہائے لوک

خود غرضی بے دردی اتھے کتنے رنگ بٹاندی ہے
اتھروں دکن فر بھی ہسن کتنے بے پروا ہے لوک

حرص تہ لالچ دے بچ دُب کے اپنا فرض بھلایا ہے
دولت دہس چکارا اتھے بچ ڈاھڈے ترسائے لوک

ہائے افسوس اے مجبوری تہہ پلا پکڑ کے رکھیا ہے
ہوٹھاں اُتے چوٹھے ہاسے سینے درد چھپائے لوک

باقی کچھ نہ رہی حسرت ایہہ دنیاں ازماںش ہے
کتنے رنگ بٹا کے اپنے قدرت نے سمجھائے لوک



انہیرا

کتنے سوہنے خاب سچیندے نہیرے بچ
 لوک ایانے ٹھوکر کھیندے نہیرے بچ
 نہیری دنیاں دے بسدیک بیچارے لوک
 ارماناں دیاں لاشاں چیندے نہیرے بچ
 منصوری دے دعوے جہنم دے کردے ہین
 عشق اُتے اوہ فتوے لیندے نہیرے بچ
 اپنیاں اکھیاں بند کر کے نماں لوک
 انہیاں دی ہن لو ازمیندے نہیرے بچ
 قدم قدم تے مکر فیرب دی دنیاں ہے
 لوک بیچارے تہو کھے کھیندے نہیرے بچ
 بے وقتی دی تسبیح پکڑی ہتھاں بچ
 زاہد رُٹھا رب منیندے نہیرے بچ

نفرت دا طوفان تے چار چو فیری ہے
 ججن ڈٹھے غوطے کھیندے نہیرے پنج

دینہہ دوپہری راہے جیڑے چھوڑ گئے

یاد مگو اوہ ڈاہڈے ایندے نہیرے پنج

کتنے بھولے ہین طیب زمانے دے

ماہڑے دل دے زخم ڈکھیندے نہیرے پنج

دینہہ ڈبیاتے تارے کس دیاں آساں پنج

شنگراں ہن کلاوے لیندے نہیرے پنج

ایہہ جنگل تے کپ مکایا بے درداں

ڈھنڈے کھل گواہی دیندے نہیرے پنج

خاباں دی دنیاں پنج ڈٹھے کتنے لوک

روشنیاں دے محل بنیدے انہیرے پنج

یاد دے اتھروں بن کے ڈھلے کالی رات

غم دا حسرت راگ سُنیدے نہیرے پنج



ساون

خبرے کس سمجھایا ساون
 اس برہیا نیہہ آیا ساون
 آساں ماہڑیاں ساڑ گیا ہے
 آکھن لوک سمجھایا ساون
 دل دی تہرتی ساڑ کے ربا
 پہنکھدا بے پرواہیا ساون
 ٹیپا ٹیپا بجر توہڑے بچ
 کتنی وار کہنمایا ساون
 اج دے دل مچ باٹے ہو گئے
 موڑیں فر خدایا ساون
 یاد توہڑی بچ اکھیاں حسرت
 ساری عمر برہایا ساون



موبائل فون

دکھو چیز نوں ہک آئی
 ہر پاسے ہک رونق لائی
 ٹیس ٹیس ٹوں ٹوں آون لگا
 سنگی ہتھ ہلاون لگا
 کناں کو ہتھ لاون لگا

شروع ہوگئی کن پکڑائی
 دکھو چیز نوں ہک آئی
 ہر پاسے ہک رونق لائی
 سبھاں دا ایہہ کم بناوے
 منہاں بچ پیغام پہچاوے
 وچھڑے دے کئی وار ملاوے

سائینس نے سوغات بنائی
 دکھو چیز نوں ہک آئی
 ہر پاسے ہک رونق لائی

انٹرنیٹ مچ آوے کاری
 ہر پل دی دیوے جانکاری
 وٹس اپ فیس بک نیاری

جے اسماں سن صحیح برتائی
 دکھو چیز نوں ہک آئی
 رکھن کجھ تعویذ بنا کے
 کجھ چنتے دا بھار بدھا کے
 کجھ تے رکھن سینے لا کے

خاصی اسدی قدر بدھائی
 دکھو چیز نوں ہک آئی
 ہر پاسے ہک رونق لائی
 بر تے مچ نہ چاہڑو یارو
 موہنڈیاں تھیں ہن لاہڑو یارو
 اکھیاں مچ نہ ساڑو یارو

کھا گئی ایہہ گل کمائی
 دکھو چیز نوں ہک آئی
 ہر پاسے ہک رونق لائی



خوف

بستی دے ہر پتھر تھیں ڈر لگدا ہے
 کسبہ بچ ہی اپنے کسبہ تھیں ڈر لگدا ہے
 اپنی عزت کس جانی محفوظ رکھاں
 ہر محافظ راہر تھیں ڈر لگدا ہے
 انساناں دے سائے تھیں آج ڈر دے لوک
 نقلی جتنی خنجر تھیں ڈر لگدا ہے
 بستی اپنی شہر خموشاں دسوی ہے
 صبح شام تہ دیگر تھیں ڈر لگدا ہے
 دینہہ دوپہری پھر دے ڈاکو چور اتھے
 ہر ڈالی ہر پتھر تھیں ڈر لگدا ہے
 شور گکارا ہو تہوائی ہر پل دی
 حسرت ایسے منظر تھیں ڈر لگدا ہے



بہاراں

فر چھیڑن دل دے تار بہاراں مُڑ آئیاں
بن بوٹے ہین گلزار بہاراں مُڑ آئیاں

کچھ ڈھونڈ دی پھردی خوشبو پھلاں دی
کدیاں بھل گئیں قول قرار بہاراں مُڑ آئیاں

اج پہور، پیسے، کوئل ڈالی ڈالی تے
پئے کوکن وارووار بہاراں مُڑ آئیاں

دکھ ہر پاسے ہے اجکل مستی پھلاں دی
مُڑ آ کشمیر ہک وار بہاراں مُڑ آئیاں

ایہہ نیلے نیلے تلے مستی چھمراں دی
دو کتھڑیاں غم بسار بہاراں مُڑ آئیاں

کیئیاں دُھلدے اتھروں اُچے اُچے شکرےاں دے

کچھ کرتوں سوچ وچار بہاراں مُڑ آئیاں

ایہہ گس دی خاطر باغ باغیچے سجے ہین

کد ایسی اوہ دلدار بہاراں مُڑ آئیاں

میں دُکھڑے بھر کے چٹھولی اس دے راہ تکاں


مُڑ آیا نیہہ غم خوار بہاراں مُڑ آئیاں

کچھ آکھن ہر پاسے ہے میلہ خوشیاں دا

ہک درد پھرے لاچار بہاراں مُڑ آئیاں

کوئی سدا بہار توں حسرت بوٹا لاویں تاں

ایہہ زندگی ہے دن چار بہاراں مُڑ آئیاں



گل بہاراں دی

تہرتی ہے سبزہ زار بہاراں دی گل کراں
آئی ہے فر بہار بہاراں دی گل کراں

شنگراں تہ چھمراں دی رونق بساں کے
نادان ہاں میں شہر بازاراں دی گل کراں

خوشبو تہ رنگ امن دے سارے بٹا کھنناں
نفرت حسد کو چھوڑ کے پیاراں دی گل کراں

موسم انہاں دی سوچ دا کشمیر دی طراں
فر کے مثال دے کے میں یاراں دی گل کراں

درداں دی چانی بچ خوشیاں نہوال کے
آہجر بچ تڑندے بیاراں دی گل کراں

رنگاں پہینگ بچ گئی کس دی نظر لگی
 دہس ہو رکھڑے ہارسنگاراں دی گل کراں
 کھلدے پھلاں دا جس کو دتا فریب میں
 اوہ آکھدا ہے سڑدے چناراں دی گل کراں
 پردیسا وطن کو پھیراتہ ماردا حسرت
 پرانے در تہ دیواراں دی گل کراں



حرص دے شہر بسا کے تلو کے لبھیا
 اچے محل بنا کے تلو کے لبھیا
 ایہہ دُنیا دہس کس سُن پوری کیتی ہے
 اِس جائی دِل لا کے تلو کے لبھیا



کشمیر

آسجناں کشمیر دہساں میں
 خاباں دی تعبیر دہساں میں
 مستی آپ بہاراں لائی
 رونق ڈالی ڈالی آئی
 سوہنی دی تصویر دہساں میں
 آسجناں کشمیر دہساں میں
 پنچھی پہوراں نغے لائے
 گلو بھی کچھ راگ سنائے
 دل اپنا دل گیر دہساں میں
 آسجناں کشمیر دہساں میں
 بھر جاں نگیاں نگیاں ملیاں
 ریوڑاں وانگ سپائیاں کھلیاں
 پھلاں دی چنگیر دہساں میں
 آسجناں کشمیر دہساں میں
 شگراں شگراں ماہلاں ماہلاں
 اُچیاں اُچیاں پیر پنچالاں

رانجھے دے سنگ ہیر دہساں میں
 آبنجاں کشمیر دہساں میں
 مٹی دا ہر ذرہ پیارا
 چپہ چپہ خاص نیارا
 لوک بھی شکر شیر دہساں میں
 آبنجاں کشمیر دہساں میں
 صدیاں تھیں کشمیر سبھائی
 ریشیاں، منیاں آن بسائی
 سوہنے پیر فقیر دہساں میں
 آبنجاں کشمیر دہساں میں
 پھلاں سہیڑیاں چہکھڑاں لکیاں
 خبرے کس دیاں نظراں لکیاں
 کلیاں لیرو لیر دہساں میں
 آبنجاں کشمیر دہساں میں
 ندیاں بگیاں برفاں گلگیاں
 اج تک توہڑے رستے کھلیاں
 حسرت دل کو چیر دہساں میں
 آبنجاں کشمیر دہساں میں



شارخ دل

بڑے ارماناں نال ہک ڈالی
خونِ جگر دے دے کے پالی
چہو لے چہکھو بچ سہالی
آخر آپے پہن گیا مالی

ڈاھڈی مِت عرضی کیتی

ظالم اپنی مرضی کیتی

پھل کھلنے تھیں پہلاں سکے

پتر پیلے ہو کے مکے

ڈاکو دل دے نیڑے ڈھکے

مُج رُکائے پر نہ رُکے

شارخ دل تروڑ کے کے کھٹیا

کھلدے پھل مروڑ کے کے کھٹیا



حقیقت

کھوج جس دی بچ حیاتی تڑندی
 سینے بچ چھپی بصیرت سہکدی
 تاریاں دی لوئی جس کو لوڑ داں
 چاننی بچ جس کو اکثر تک رہیاں

سحریاں دے چھس مہسے بچ لوڑ داں
 شام دے انہیراں کو کھوج داں
 بانگ دی آواز جس کو ٹہنا کدی
 اوہ حقیقت جان کے میں بھل گیاں

اوہ حقیقت تہ ماہڑے سینے بے



نچ

کالے چٹھڑے دا کالا غبار
 مغرب دی طرفوں سیدنتن کے چڑھیا
 لوک یکے کئہراں داہر نس گئے
 حیوان پکھنوں کیڑے مکوڑے
 اپنے اپنے ڈیرے پہنچے
 ہر پا سے خاموشی چھا گئی
 بس ویرانے بولدے رہے۔۔۔۔۔

اتنے نچ کڑ کی
 زمیں کمین لگی۔۔۔۔۔
 اسماں کئہر کن لگا
 نچ نچدی گئی، سد دی گئی
 اُس دے اگے کجھ نہ آیا
 بس غریب دی چٹھنگی۔۔۔۔۔



عشق

سحرگی دے اتھرواں پنج چھپیار ہندا ہے
 سجدے دی ترپ پنج محسوس ہوندا ہے
 نمرود دے چنے پنج چھالاں ماردا ہے
 مچھی دے ٹہڈے پنج بولدا ہے

ابراہیم دے دے پنج
 اسماعیل دے سینے پنج
 موسیٰ دے جلال پنج
 بلال دی بانگ پنج

بدرو حنین دے معر کے پنج
 کربلا دے میدان پنج
 حسینؑ دے سجدے پنج
 مسجد دے ممبر پنج

تبیح دی پکار پنج
 اقبال دے کلام پنج

ایہہ کے بولدا ہے ؟
 ایہہ تے عشق ہے



سوچ

میں نت سوچدار ہندا ہاں
 ایہہ ہیرا پھیری دنیاں دی
 اکھیاں دے اتھروں دل دے ہاڑے
 کیسی عجب کہانی ہے
 اپنے اتھروں پی کے جینا
 ہے دستور زمانے دا

ہر پاسے نفوس ہی ہے
 ہو رکتی بے پروا ہی ہے
 ہن جینا کتنا مہنگا ہے
 پر موت تہ کافی سستی ہے
 پر اتنا کچھ کنیاں ہوندا ہے
 میں نت سوچدار ہندا ہاں۔۔۔۔۔



تنہائی

ہر پائے نہیرا ہوندا ہے
 ہر طرف خاموشی ہوندی ہے
 لگدا ہے چواں طرفاں تھیں فریاد کچھ ایندی رہندی ہے
 جد زور ہوا داجلدا ہے
 پھلاں دے اتھروں کر دے ہین
 چن تارے چپ ہو جاندا ہے ہین
 فر تہرتی بھی سچ جاندا ہے
 میں اکھیاں جد بند کردا ہاں بک وحشت جی آگیندی ہے
 میں دل دی تہڑکن سندا ہاں فرسارے خاب تر فدا ہے ہین
 احساس دی سولی میں چڑھ کے فر اپنے جسم تھیں ڈردا ہاں

میں کہلا بس رہ جاندا ہاں
 بک تنہائی رہ جاندا ہے۔۔۔۔۔



شجاعت

آذر دے بُت پہنندی ہے
 ابو جہل کو لکار دی ہے
 کعبے کو پتاں تھیں پاک کر دی ہے
 ابوسفیان کو مات دیندی ہے
 بدرِ پنج دشمنان دے لشکر کپدی ہے
 کر بلا پنج یزیدان نال لکر کھنندی ہے
 کدے ایوبی بن کے بیت المقدس پنج باگ دیندی ہے
 کدے طارق دے سینے پنج ہسپانیہ اُتے گج دی ہے

..... شجاعت

باطل دے انہیر پنج حق داسویر کر دی ہے
 ہر دور پنج باطل دے ٹہنہا کے ٹہیر کر دی ہے



پنجرہ

لو ہے دیاں سلاخاں دا ہک مضبوط پنجرہ
 شہر دے چوراہے اُتے ٹنکیا دا۔۔۔۔
 ایہہ قید خانہ بھی نیہہ
 آشیانہ بھی نیہہ
 ایہہ سیاد دی چال ہے۔۔۔۔۔ جال ہے

جی کر دے اس کو چکنا چور کر کے نکل گچھاں
 دور دور ہو پنج اڈر گچھاں۔۔۔۔۔

پہ نیہہ۔۔۔۔۔
 ایہہ پنجرہ تے ٹٹنے والا نیہہ
 کیاں سر اپنا زخمی کراں؟؟؟؟
 کے پنجرے کو ٹکراں ماراں۔۔۔۔۔



جے وس ہوندا

میں دینے کو مٹھی بچ بند کر کھندا
 چنے دام تھا چم کھندا
 تاریاں کو چٹھولی بھر کھندا
 پھلاں کو موسماں دی قید تھیں آزاد کردا

بچپن موڑ آندا
 جوانی کو نہ جُلن دیندا
 بڑھیمیں کو نہ این دیندا

ساہواں کو جسم دے پنجرے بچ قید رکھدا
 مگر

ایہہ سارا کچھ تاں ہوندا جے ماہڑے وس ہوندا



سوٹھے

دور بستی تھیں مچ دور
 پہاڑاں دی چہول پنج
 ماہلی دے میدا نے کھکار
 دوسو ہنے جے پھل ہک دوئے نال گوشے کر دے آ سے
 چانی دی ٹھنڈی رات تہ ہوا دے چہکھڑ دواں کوٹھہلدے آ سے

یارا۔۔ بڑی تیز چہکھڑ ہے جدوں تھیں ساون منکیا
 ماہڑا دل تے ڈردا ہے۔ گرے شردنہ آ گچھے۔۔۔۔۔
 آجلاں۔۔۔۔۔ آجلاں دور ہوانال اڈر گچھاں
 کائنات پنج گم ہو جاواں
 چہکھڑاں تھیں اوہلے
 شنگراں تھیں دور
 چہڑے تھیں بھی چھپ گچھاں
 نس گچھاں۔۔۔۔۔
 اس تھیں پہلے کہ شردا جلیے۔۔۔۔۔



اڑیاں

کتنے ارمان پورے ہونے دے جتن بچ

شام سویرے۔۔

بہار خزاں بچ۔۔۔

غم دی روتاں بچ۔۔۔

خوشیاں دے موقعے تے

دلے دے نیڑے ٹہک ٹہک ابدے۔۔۔

چھٹ گھڑیاں بھی جین نہ دیندے۔۔

سکھ داسا نہ کنہن دیندے

نیلے کھلے اسمانے اُتے چڑکا لے چہرہ نالوں

گسے نیلے سرے بچ دُبدے دیہنہ نالوں

کدے رُسدے کدے ہسدے

ہنکیاں نالوں اڑیاں کر دے۔۔۔۔



گوڑے ہا سے

روتاں دی اولاد بلی بچ
 تہنپ تہ چھاں دی عجیب کھیڈ ہوندی رہی
 پھلاں کو کدے تیز چہنکھردے ٹھہلے لگے
 کدے تقی تہنپ نے ساڑیا
 کدے آہلنے دایتلا تیل اڈر گیا
 تہ کدے گسے غریب دی چہنگی تے بچ کر کی
 سیلا باں نے بستی ڈبودتی ---
 کسہر پٹ سٹے ---
 پل تہ شردک رُہڑ گئے ---
 فر بھی کچھ چہرے دوروں دوروں دکھ کے مسکاندے آ سے
 دنیاں دی ہر شے نالوں ایہہ ہا سے بھی ---
 گوڑے آ سے ---





عید

مل کے فرخوشیاں مناواں عید مُرد کے آگئی
 دل دی نگری فر بساواں عید مُرد کے آگئی
 حسد کو ہن دور کر خود غرضیاں کو دور کر
 نفرتاں دے محل کو فر پہن کے چکنا چور کر
 خلق دی خدمت دے جذبے تھیں توں دل پر نور کر
 عید آکھے پیار سنگ اس جگ کو فر پہن پہور کر

امن دے کچھ کسہر بناواں عید مُرد کے آگئی
 دل دی نگری فر بساواں عید مُرد کے آگئی

فر گسے معصوم دے اتھروں نہ ڈھولیں دوستا
 فر گسے محتاج کو رستے نہ رو لیں دوستا
 فر توں اپنی، میں، دے بچ ڈبکے نہ بولیں دوستا
 لالچاں بچ رشتیاں کو فر نہ تو لیں دوستا

بیر سارے آمٹاواں عید مُرد کے آگئی
 دل دی نگری فر بساواں عید مُرد کے آگئی

فرگے محتاج دی خوشیاں بنڈا کے دکھ کہنیں
 موہنڈیاں تے دردا ہک بھار چا کے دکھ کہنیں
 اپنی خوشیاں درد منداں تے کہما کے دکھ کہنیں
 بے کساں کو بھی توں اج سینے تے لا کے دکھ کہنیں

حسرتا خوشیاں مناواں عیدِ مُرد کے آگئی
 دل دی نگری فر بساواں عیدِ مُرد کے آگئی



مکو احساس دی دولت عطا کر
 ماہری سوچاں کو بھی زُفعت عطا کر
 خدا یا دل متور کر دے ماہڑا
 مکو عرفان دی نعمت عطا کر



مرٹے آؤ

فر خوشیاں دی رُت مُڑ آئی
 ہاسا چہرے چہرے کھنڈیا
 فر بھی کوئی مایوسی شامد
 دل دے بہڑے پھر دی رہی
 اتھروں بھی کجھ ڈھلکے ہون
 درد بھی کجھ نزوئے ہون
 چھپ چھپ کے کجھ روندے ہون
 لوکاں باندے ہسدے ہون
 اج بھی پھر کئہراں نیہ آئے
 بہڑے اج بھی خالی دسدے
 اج بھی پیارے خبرے گتھے
 اج بھی ہجر دی کندھ ہے اُچی

سارے دین آوازاں رل کے
 زنجیراں کو توڑ کے آؤ
 پردیاں کو چھوڑ کے آؤ
 کندھاں پہن ترور کے آؤ
 آؤ مرنے کے عید آئی ہے۔۔۔۔۔



قطعہ

سو گلاں ہک رات بے چاری کے کرسی
 چاڑی رُت گل بات بے چاری کے کرسی
 دکھ کے رنگ حالات ماہڑے کے پچھدے ہو
 اس تھیں بدھ حالات بے چاری کے کرسی



دل

بھانویں ہک مدھم جئی آواز ہے
 اس دے اندر زندگی دا ساز ہے
 کائنات اندر اڈری ماردا
 بن پراں اڈدا ہے ایسا باز ہے
 سینے پنج ایہہ خوندا لٹھڑا دہے
 عرش تک اسدی پنج پرواز ہے
 دوا حرفاں نال بندا ہے مگر
 اس دے اندر دو جہاں داراز ہے



کچھ نہ رہی

میں تہاں نظراں تھیں چہر دیا

چکنا چور ہاں شیشے نالوں

لیکن -----

سوچ کے دہس توں منگو

تو ہڑیاں ایہہ نظراں نہ رہن

نہ ایہہ حسن جمال بھی بکسی

نہ ہی جاہ جلال بھی ہوسی

میں تہاں دن دامن ہاں

مٹی ہو کے مٹی رہساں

پہلے بھی افسوس نہ آسا۔ فر بھی کچھ افسوس نہ ہوسی

مگر -----

تو ہڑی ایہہ چٹوٹی جی شہرت

عارضی رفعت عارضی عزّت
 ایہہ تو ہڑیاں شیشے دیاں کندھاں
 ہک دن چکنا چورتے ہوسن
 دائم ہے قائم ذات اُسی دی
 ماہڑا تو ہڑا کجھ نہ رہسی -----



کون آئی بجلیاں کو ٹالدا
 دینہہ چنے دی گردشاں سمھالدا
 کون نہیرے تھیں بناندا روشنی
 کون کپڑا پتھرے بچ پالدا



اسی حرفیاں

اللہ دے واسطے آجناں مہن جان تے ہوٹھاں آوندی ہے
تیری دیدی زنت آس رہندی پہولی چند پہلیکھے کھاوندی ہے
ہور کے دیاں تلو یار صدقے گولی چندڑی کہول کماوندی ہے
حسرت جسم دے بُت بچ قید ہو کے ماہڑی زندگی مچ چھتاوندی ہے

باجھ تو ہڑے غم خوار نہ ہی کہ نام تہاں دا یاد ٹھہولا
 کہ نظر اساں داہر مار بھناں دکھیا دل ہوئے کجھ شاد ٹھہولا
 نہ ہی صبح تہ شام دی خبر رہندی ہوٹھا بسدی بس فریاد ٹھہولا
 حسرت موڑ مہار فر طرف اس دی اُجڑی ٹھہوک کو کر آباد ٹھہولا

تارہن ٹٹ گئی خوشیاں دی اسماں نال رہندے نت یار اتھروں
 لسی جانی تھیں ٹٹدا آپ پانی کدوں تک رہندے اکھاں بھار اتھروں
 تئساں خوشیاں داسنگ لوڑ کہندا اسماں دے گئے سنور سنوار اتھروں
 کدوں پھیرا مارسیں جو گیا وے حسرت ڈیکدا راہ کھلیار اتھروں

ت

ثابتی قدم فر کون رہیا جدوں عشق نے آدیران کیا
نہ ہی صبح تہ شام دی فکر رہندی آپے یار نے جد حیران کیا
انہاں موت دی کوئی نہ فکر رہندی جدوں موت نے آ اعلان کیا
تو ہڑے عشق دا حسرت زہر پی کے اساں وصل دا آپ سامان کیا

ج

جد تھیں اکھیاں موڑ گیا سینے پہ ہنکھدے نت انگار غم دے
کیتے لکھاں جتن نمایاں نے نیہہ مکدے یار امبار غم دے
تو ہڑے شہر دے لوک ہر روز رکھدے ماہڑے واسطے سام اخبار غم دے
صبح شام حسرت گر لا وندا ہے سودے کیتے میں لکھ ہزار غم دے

ح

حال نہ چچھ دیوانیاں دا صبح شام بس ذکر اذکار تیرا
جے کر رحم دی نظر نہ مارسیں توں اوڑک مرگسی بیمار تیرا
ہُن جان بھی ہوٹھاں آ پہنچی دہس ہوو کے کراں انتظار تیرا
ماہڑی اکھ دی کے مجال حسرت ہک وار جے کراں دیدار تیرا

خ

خاب دے بچ دیدار دے جا گجھ رحم تہ کر دیوانیاں تے
بھانویں سڑکے سرمہ ہو جاواں ہک چہلک تہ مار بندی خانیاں تے
ہاں سیاہ کار فر بھی ہاں تیرا توں تے کر دا فضل بے گانیاں تے
حسرت بدل جاندی تقدیر ماہڑی ہوندی رحم دی نظر مستانیاں تے

د

درد دا کے احوال دہساں توہڑے ہجر نے وانگ کباب کیتا
انگ انگ دے بچ ہک چہو بھ لگدی ہر انگ نے خوب جواب کیتا
نہ میں جین جگانہ ہی مرن جگا توہڑے عشق نے خوب خراب کیتا
حسرت صبح تے شام کو پیندا ہاں توہڑی یاد دا کہول شراب کیتا

ذ

ذکر توہڑا ہک چانی ہے سؤنی جان چکور قربان کردے
چھالاں مار کے عشق انہمیاں بچ عاشق ساڑ کے جان ویران کردے
کچھ جگ بچ شاہ منصور بن کے چڑھ سولیاں جگ حیران کردے
توہڑی دیدی خاطر پیار یاوے حسرت جے نماں ارمان کردے

د

رحم دی نظر کر عاصیاں تے توہڑے فضل دے چرچے عام سائیاں
توہڑے درتھیں خالی نہ چہو ل جلدی پاوے فیض مخلوق تمام سائیاں
توہڑے ذکر دے بچ جے غرق ہوواں لبھے خاص سکون آرام سائیاں
میں بھی لوڑیا ہک در خاص حسرت رکھاں لکھ آساں سام سام سائیاں

ذ

زباں ماہڑی کرے عاجزی سنگ توہڑے نام دا درد تہمان سوہنا
کائنات ساری کیتی تہہ پیدا کھلا کیتا ہے آپ اسمان سوہنا
بھیجے نبی رسول تہہ دنیاں تے نالے بھجیا تہہ قرآن سوہنا
شجر حجر کردے تسبیح حسرت توہڑے ذکر سنگ لگے جہان سوہنا

س

بجناں وصل دی آس اندر میں تہ خوشیاں خاص کہنما بیٹھاں
 ہویاں قید اس ہجر دے جال اندر مٹھا زہر فراق دا کھا بیٹھاں
 صبح شام دی نہ کچھ فکر رہندی میں تہ جدوں دا اکھیاں لا بیٹھاں
 اوڑک پنج جاسیں کچے کنہڑے نالوں حسرت دے لو لکھ سمجھا بیٹھاں

ش

شع دے جلوے کے جلوے توں تہ سڑ کے وانگ کوہ طور ہو جا
 جلوہ دکھ کے یار دے نور والا ظاہر باطن تھیں خوب پُر نور ہو جا
 ایہہ شیشے دا بُت نہ رہن والا خودی پنہن کے چکنا چور ہو جا
 سولی چڑھ کے وانگ منصور حسرت دو جگ دے پنج مشہور ہو جا

ص

صبر دا لڑ نہ چھوڑ ہتھوں ہک دن تے بیڑا پار ہو سی
 جیکر دل دا شیشہ صاف رکھیں آپے بُت دا ہار سنگار ہو سی
 تو ہڑے دے پنج تنہہ کن ہے جسدی اوہ ہی آپ بجناں مددگار ہو سی
 آپے لاسی اوہ کشتی پار حسرت بھانویں پھسی طوفان کچھ کار ہو سی

ض

ضرب ہجر دی جدوں لگدی سارے خاب فر چکنا چور ہوندے
 رمز عشق دی جگ نہ مول جانے عاشق چہلے دیوانے مشہور ہوندے
 جہڑے یار دے رنگ پنج رنگ جاندے نقلی رنگاں تھیں مچ اوہ دور ہوندے
 عاشق عشق حقیقی پنج سڑ حسرت آخر کار فر مثل کوہ طور ہوندے

ط

طلب توہڑی نت دل اندر توہڑی دم دے نال ہے دم ٹھولا
لوکاں مال تہ زردی طلب رہندی ماہڑی زندگی بس توہڑا غم ٹھولا
توہڑی دید خاطر دل تڑفدا ہے ہون اکھیاں بھی سدا غم ٹھولا
توہڑے ہجر پنج جان مکا چھوڑی حسرت رہیا ہے ہڈیاں جم ٹھولا

ظ

ظالماں ظلم کما نہ ہی اوڑک ظلم کو آپ زوال ہوسی
مٹ جاندا ہے اپنے آپ آخر بھانویں کتنا بہت کمال ہوسی
جہڑ اڈدا ہے اسمان اُتے ہک دن وانگ زمین مثال ہوسی
جدوں بجسی حسرت دی صور حسرت ختم دنیاں دا جنجال ہوسی

ع

عملاں دی جے گل کرے خالی اپنا آپ نظر آوندا ہے
کس رنگ پیشگی پنج دربار ہوسی دل بہتا ہن گھبراوندا ہے
تائب ہو جاؤ میں بخش دیاں سچا رب ایہہ خود فرماوندا ہے
نینواں ہو کے حسرت عرض کردا کیہتے اپنے تے پچھتاوندا ہے

غ

غماں نے آکے نہیر کیتی گھسن گھیر پنج ڈبیا دل یارا
توہڑے ہجر نے چین قرار کھسین پنج خاب دے آکے مل یارا
نہ ہی ترس کیتا ماہڑے اتھرواں تے توہڑا دل ہے بائی سل یارا
توہڑے غم نال حسرت مرجاسی جیکر ہوو کیتی کجھ ٹھیل یارا

ف

فکر تو ہڑا ماہرے روح اندر رگ رگ دے بچ تنہا تیرا
نوہنہ نوہنہ دے بچ توں بسدا ہیں وصف خاص ہے لامکان تیرا
تیرے حکم تے جان نثار کردے عاشق سندے جد فرمان تیرا
حسرت زمیں دے دو گز منکدا ہے فرش، گرسی عرش اسماں تیرا

ق

قاصدا بچ دربار سوہنے ماہری عرض ہتھ بھن سنا جاویں
آکھیں ہجر دا روگ ستاؤندا ہے آکے قول قرار بھا جاویں
جند بچ فراق دے توفدی ہے سوہنے یار کو گل سمجھا جاویں
ماہری آس اُمید کو آن حسرت ہتھاں آپ کفنا دفنا جاویں

ک

کرم تو ہڑا ماہرے حال اُتے نہ میں غیر دے طرف تنہاں کرساں
تو ہڑے نام تھیں ہر ہر ساہ واری جند جان بچاں قربان کرساں
تو ہڑے نام دی تسبیح گل اندر ایہہ ہی بچ حیاتی سامان کرساں
سچے نام دا ورد کما حسرت صبح شام سبھا ایمان کرساں

ل

لکھ واری قربان جاواں تو ہڑا نام ہے مٹھڑا شیر نالوں
تو ہڑے نام دی بچلی ماردا ہاں پھراں وانگ سودائی میں ہیر نالوں
ماہرے سرتے ہتھ ہمیش رکھیں کدے دور نہ ہوئیں دلگیر نالوں
حسرت لیکھ بچ تو ہڑا پد ہوئے باقی لوڑ نہ کجھ تقدیر نالوں

م

موڑ مہار دل جانیاں وے عمر گزری رستے رولیاں میں
توہڑی دپد دی خاطر ایہہ دل تڑنے ہائے پل پل اکھیاں ڈھولیاں میں
توہڑے ملن دی تاہنگ پنج پیار یاوے گوڑی مل نت آساں تولیاں میں
توہڑے وصل دی خاطر سائیاں وے حسرت لکھاں اُمیداں کہولیاں میں

ن

نفل نماز تہ فرض پہلے جس دن تھیں توہڑا تہیان کیتا
روزہ، حج زکوٰۃ نہ یاد رہیا جنت دوزخ نہ کجھ بیان کیتا
توہڑے خوف دے نال تھر تھر کماں جدوں غور میں کھول قرآن کیتا
توہڑے فضل دی آس ہے بس حسرت ایہہ ہی دین تہ نال ایمان کیتا

و

وصل دی آس پنج عمر گزری کئی وار میں گھمن گھیر ڈٹھے
تہنپ چھاں دی کھیڈ پنج جان مکی نت لیکھاں دے ہیر تہ پھیر ڈٹھے
غماں مار چہناتی اس دل اُتے پل پل دکھاں دے نہیر ڈٹھے
توہڑے باجھ ایہہ کنہر ویران حسرت پنجے شیشیاں دے بس ٹہیر ڈٹھے

ی

یاد توہڑی ماہڑی روح بنکے بسیں دل دے صاف مکان اندر
اَنْ اَقْرَبُ عَلَیْکَ، صاف ظاہر تہاں آپ کیتا قرآن اندر
شاہ رگ تھیں توں قریب سجناں کنیاں غیراں کو آنا تہان اندر
حسرت عاجزی نال دُعاء منگے جاواں دنیاں تھیں ایمان اندر

باران ماہ

چیتر

چڑھدا چیتر تہ ٹھنڈا زور کھنڈا تہرتی فرہک وار جوان ہوندی
برف نس کے جنگلاں کول جلدی زمیں سبزے نال نشان ہوندی
ہری ہو جاندی ہر ہک ڈالی جیہڑی نال خزاں بے جان ہوندی
توہڑی یاد دے بچ بے درد حسرت ماہڑی جندڑی مچ پریشان ہوندی

بیساکھ

آیا جدوں بیساکھ بہار آئی مالک ہر ڈالی پہر پہر کیتی
پھلاں خوشبو خوب کھنڈا چھوڑی رب پہوراں دعاء منظور کیتی
چارے پاسے بساکھی دے خوب میلے ماہڑی زندگی بھر رنجور کیتی
جن ٹر گئے بھن پہار حسرت نازک جند جیاں تندور کیتی

جیٹھ

آیا جیٹھ دا جدوں پُر جوش مہینہ پہاڑاں طرف فرلوک روان ہوئے
ہوئے فر دیرانے آباد مڑ کے خالی کوٹھیاں نال مکان ہوئے
خوش ہو جے پیچھی گیت گاندے خوش حال حیوان انسان ہوئے
ماہڑے دے کو لگدی چہو بھ حسرت جد جد بھی توہڑے تہناں ہوئے

ھاڑ

گرمی ھاڑ دی بہت ستاوندی ہے تھپ ساڑ کے تہرتی لال کردی
پانی کٹھیاں دے بچ زور کردا برف گل کے خوب اُبال کردی
جھیڑے ہجر دے غماں نے ساڑ سٹے رُت اُنہاں کو کے نہال کردی
حسرت مُڑ کے آہُنِ وطنائ کو ہک آس نمائی سوال کردی

ساون

ساون آن کے تھند غبار اتھے اپنے خوب نظارے لاوندا ہے
بارش سہر دی تہرتی ٹھنڈ پیندی پل پل بچ دل پرچا نو دا ہے
ماہری اکھیاں تھیں برسات ڈھل دی ظالم تو ہڑا خیال جدا وندا ہے
سنگن سہیلیاں رل مل نال پیٹھن حسرت غم تو ہڑا مچ کھا نو دا ہے

پہادرا

آیا پہادرا دے دا جدوں دور مُڑ کے پکا تہرتی سبزہ زار ہويا
زور کھٹ گیا ہن کٹھیاں دا پانی ماہلیاں دا ٹھنڈ اٹھار ہويا
میوے باغاں دے پک تیار ہوئے ہریا حسرت سب گلزار ہويا
دیسی کون خوش خبری وصل والی سوہناں جد سمندروں پار ہويا

اَسو

چن اَسو والا جدوں چڑھدا ہے رُت عجب نظارے بدلان لگی
 ٹھنڈی ہوا لگی سبز ماہلیاں کو بوٹی پیلا رنگ بٹان لگی
 خالی ہون لگے فرٹھوک ٹہارے کنبلی جند کچھ ہو رگھبران لگی
 حسرت ہو گئی ہن اُجاڑ بستی تو ہڑی یاد بے درد ستان لگی

کتک

رُت کتک دی مچ اُداس ہوندی زور مگدا پتراں ڈالیاں دا
 سبزہ سڑ کے تہرتی لال ہوندی پیلا رنگ بن بوٹیاں ماہلیاں دا
 اُڈ جانڈے پردیس دے پکھنوں بھی دہساں رنگ کے بہکاں خالیاں دا
 حسرت خاب سارے چکنا چور ہوئے کوئی مُل نیہہ آساں پالیاں دا

منگھر

منگھر آن کے چھٹی نے زور کیتا کمں بوٹے انسان حیوان اج کل
 مڑ آیا ہے کالا سیال لوکو کیتے ٹھنڈ نے سب پریشان اج کل
 دینہہ پل پل منھ چھپا کنبند لوک جمع کردے سامان اج کل
 ایسی کدوں حسرت سوئی بہار مڑ کے دل بسدے مچ ارمان اج کل

پوہ

نہیرا پوہ دا کورا ٹھنڈ نالے راتیں کالیاں لمیاں آجاون
 برف آن کے ڈیرا فرلانڈی ٹھنڈ دکھ کے سب کہہرا جاون
 اندر کہہراں دے خلقت قید ہوندی چٹی برف تھیں کجھ شرما جاون
 بندی خانے پنج ہجر دے قید حسرت کوئی متھے دے لیکھ ازما جاون

مانہ

چڑھیا مانہ تے بہردی برف زیادہ ہر چیز پنج چہول چھپا چھوڑی
 بھار ل دیا بوٹیاں ہور زیادہ چٹی چادر ہر چیز تے ڈھا چھوڑی
 ٹرن پھرن بھی ہو یا بہت مشکل جند قید دے پنج کہہرا چھوڑی
 ایسی فر حسرت کدے بہار مڑ کے توہرے ملن دی آس سمجھا چھوڑی

پھگن

پھگن آوندا بہار دی آس مُردی تھوڑا کھٹ برف دا انبار ہوندا
 لوک کوٹھیاں چڑھ کے کھیڈ کھیڈن خوشی مستی دا ظہار ہوندا
 لاغر تن پنج تھوڑی جان ایندی مٹھی تھپ تہ کھٹ غبار ہوندا
 جھولی خوشیاں بھر دا میں حسرت جے کر یار سوہنا وفا دار ہوندا



گیتاں

مُر آجا سبناں وے تک حال نماں دا
ہک تہ جدائی ہے دوئے ہاسا زمانے دا

اکھیاں تھک گئیاں تک تک کے راہواں کو
گس کو راز دہساں اس درد نماں دا

اوہ زخماں لاٹریا فر حال بھی نیہہ پچھیا
میں درد سمھال کئہدا اس یار ایانے دا

بچ پردیساں دے جینواں بھی تہ کے جینواں
دہس کے اتبار کراں اس شہر بے گانے دا

کے حال سناواں میں دل غم بچ ڈبیا ہے
کچھ درد نواں حسرت کچھ زخم پرانے دا

مُر آجا سبناں وے تک حال نماں دا
ہک تہ جدائی ہے دوئے ہاسا زمانے دا



چناں ٹھوکاں آ ہک واری
ٹھوک اساں دی بہت پیاری

----- چناں ٹھوکاں آ

چناں چھمر پئے گاؤں
ماہڑے دل دے درد جگاؤں

----- چناں ٹھوکاں آ

چناں اینگے دے پھل کھلے
وچھڑے مُڑ کدے نہ ملے

----- چناں ٹھوکاں آ

چناں پکھنوں گیت سناؤں
مُٹے دل دے تار ہلاؤں

----- چناں ٹھوکاں آ

چناں دینہہ چڑھیا ہے چوٹی
توہڑی نیت ہے شائد کھوٹی

----- چناں ٹھوکاں آ

چناں ایہہ رت مڑ نہ ایسی
سدا نہ حسرت گیت سنسی

----- چناں ٹھوکاں آ



ماہڑے ہی سائے تھیں مکو تہ نہ جدا رکھو
ایہہ گل ضرور ہے دوگز دا فاصلہ رکھو
جے گل بھی لگنا اگر موت ہے تے زندگی کے ہے
خلوص دل تھیں تہ سینے تھیں رابطہ رکھو



جہلم دے پانیاں وے لاسیں کدوں پار نی
دل دیاں تاہنگاں سبے رہ گئیاں اُدھار نی

تسدے وچھوڑے چناں جین دانیہ چھوڑ دے
اکھیاں نمائیاں دے اتھروں نچوڑ دے

ہک جند کہہلی ہے تہ دُکھ وے ہزار نی
دل دیاں تاہنگاں سبے رہ گئیاں اُدھار نی

تک تک حال ماہڑا لوک پئے ہسدے
ہسدے نمائی کولوں دور دور نسدے

دہس آکے جگ اُتے کون غم خوار نی
دل دیاں تاہنگاں سبے رہ گئیاں اُدھار نی

سینے نال لا کہناں توہڑیاں نشانیاں
کچھ ماہڑے کول نیہہ وے دے دیا جانیاں

گتھو منگ آنا حسرت دے دا قرار نی
دل دیاں تانہنگاں بے رہ گیاں اُدھار نی



اپنے غم دی قید تھیں نکل کم کسے دے آیا کر
لوکاں واسطے ٹھونڈ خوشی کو اپنی فکر پہلایا کر
ہک دوئے تھیں کھس کے کھینا عادت ہے حیوانی
پیار تہ ہمدردی دا جذبہ ہوراں کو سمجھایا کر



دیس توہڑے میں آساں بچناں

دُکھڑے آپ سناں بچناں

توہڑیاں تاہنگاں رکھاں دل بچ

بس آساں لکھاں دل بچ

گل ارمان کہہماں بچناں

دُکھڑے آپ سناں بچناں

اس پاسے بھی موڑ مہاراں

پنجرے کول بھی آن بہاراں

رستے بانہل ڈھاساں بچناں

دُکھڑے آپ سناں بچناں

توں خوش قسمت دیاں والا

میں دُکھیا پردیاں والا

کد تک پرہت نبھاساں بچناں

دُکھڑے آپ سناں بچناں

دیس توہڑے میں آساں بچناں



آسجناں ایہہ ٹھوکاں ٹہہارے یاد کرن
 ماہلیاں دے اوہ رستے بھی فریاد کرن
 اوہ چھم چھم فرساون والا مُڑ آیا
 مدتاں تھیں پردیسی پھیرا نیہہ لایا
 چھٹ گھڑی پردیسی کسہر آباد کرن
 آسجناں ایہہ ٹھوکاں ٹہہارے یاد کرن
 سترے دے قالین اُتے خوش رہندے ساں
 دودھ، ملائیاں، مکھن پوری کھیندے ساں
 پل پل مٹو خیال توہڑے ناشاد کرن
 آسجناں ایہہ ٹھوکاں ٹہہارے یاد کرن
 دور دے تھیں گیا ہن ویلا خوشیاں دا
 گزر گیا ہن حسرتِ میلہ خوشیاں دا
 دل دیاں آساں روون تہ فریاد کرن
 آسجناں ایہہ ٹھوکاں ٹہہارے یاد کرن



قطعات

سحرگی کو پئی لوڑے غم دی ماری رات
خوشیاں دی فر دے گچھ ہک اُدھاری رات
جس نگری پنج دینہ دوپہری نہیرا ہے
شرم کے اُس تھیں چھپدی رہی بے چاری رات



فر راہ تو ہڑے تھیں یاد دی سوغات کئہن جُلاں
ساون پنج اتھرواں دی برسات کئہن جُلاں
ہن تہ خوشی دا چھاڑ بھی دل کول نہ رہیا
تنبھکھدی جی غماں دی ہک رات کئہن جُلاں



چار دناں دی گل دا رونا کے روئیں
دو پل دی محفل دا رونا کے روئیں
ایہہ دنیاں تہ ساری پنج بے چاری ہے
توں اپنی مشکل دا رونا کے روئیں



زندگی دے خواب دی تعبیر دکھ
 اپنی زُہدی دی کدے تاثر دکھ
 کتنا سوہنا شہر بسدا دوستا
 اپنے ہتھوں دی کوئی تعمیر دکھ



فر کدے نہ چھیڑیں پُئلیاں یاداں کو
 زخم پرانے صدقے ہو ر دکھائیں نہ
 ماہڑے لیکھاں دی اوہ رات کلکھی نہ مگسی
 توں سحرگی دے گیت سناندا آئیں نہ




1000

1000

1000

1000

1000



عبدالمجید حسرت بہ یک وقت ہک نقاد، محقق، ترجمہ نگار، افسانہ نگار، نثر نگار، بہترین شاعر ہیں۔ اوہ کنیاں زبانان بچ لکھنے پین ہور نویں نسل نیاں لکھاڑیاں کی حسرت ہک نمایاں ناں ہے۔ جس سُن اپنی محنت لکھنے نے ناں ناں اپنیاں معیاری لکھنے نے ذریعے تاویلیاں ہی ادبی ذوق و شوق رکھنے والیاں نیاں دلاں بچ اپنی جگہ بنا لی ہن لکھنے سُن ویلے کویلے معاشرے بچ رونما ہون والیاں تبدیلیاں کی مد نظر رکھ کے اپنے سُرے تہ مشاہدے نی بُنیاد اُپر اپنے قلم نے ذریعے لوکاں نیاں دُکھ درداں کی اپنیاں شعراں بچ ٹہنایا۔ حسرت ناظرِ تحریر بغیر کسے ابہام دے بالکل سادہ ہور عام فہم ہے۔ جہڑا قاری کو اپنے پاسے چھلکدا ہے۔ اوہ پہانویں نثر ہوئے یا نظم، اُنھاں فی علمی بصیرت اُنھاں نیاں تحریاں بچ صاف چھلکدی ہے۔ اُنھاں نے شعراں کی پڑھ کے لگدا ہے کہ واقعی اُنھاں نے سینے بچ ہک درد مند دل تہڑ کدا ہے جہڑا ہر ویلے انسانیت فی بقا واسطے فکر مند رہندا ہے۔

رَت برتی اِس نگری دی ہٹی تے

میں چھلیا انسان دی قیمت کے پچھاں

منیا کہ اِس نوجوان قلم کار کی علمی ادبی دُنیا بچ حالیں کافی پینڈا طے کرنا ہے لیکن اِس نے ذوق تہ شوق کی تکیاں ایہہ آکھنا مناسب رہی کہ ہک تہاڑے اوہ ضرور اُس منزل تکر بچ جاسی گا جس نی ساریاں کی اڈیک رہتی ہے۔ اُنھاں نا ایہہ شعری مجموعہ ”پہنل پہنلکھے“ بلا شک پہاڑی ادب بچ ہک گراں قدر بادہ ہے۔

پرویز مانوس